

禹貢古今注通釋上



978142

序論禹貢善惡水害篇有十四條之語

音義

亦詳圖

說禹貢者古無專書宋毛晃始作禹貢指

釋程大

書卷禹

貢論傅寅有禹貢集解其書皆散佚不傳僅錯見永樂大

典中自宋以後禹貢注釋不下數十家得失互見當以胡

渭禹貢雖指爲最善然若九江專主洞庭已爲徐文始所

駁注書之難類若是與吾同年友侯子勤幼卽好胡氏書

繼乃求諸古注得馬鄭王三家說復參以歷代地志輿圖

及近世乾隆府廳州縣志水道提綱等書纂成禹貢注六

卷名曰古今注通釋北方州分合山水原委今昔同異之

禹貢古今注通釋

序

一 百景秋館

故皆能爲之討索辨難折衷以定一是而於水利河防尤

三致意焉夫古之治河者順其勢而導之不聞逆其性而

制之也今河日南徙盡失禹時故道治之者隄防束縛阨

其北流時有漫決之患而不知變計者非以國家歲漕東

南粟勢不得不假黃以濟運卽而所以盡力漕渠不惜數

石致一石者則又出乎西北不開水利而必仰食東南故

也書中嘗言冀州白壤地本宜稻自溝洫廢人功不脩冀

州遂爲廢土耳嗚呼棄數千里之地而不耕是誰之過乎

昔徐貞明著潞水客談有十四利之說而行之永平甌墾

水田三萬九千有奇 憲廟時曾修畿內水利亦得田七
千餘頃其成效可睹也 今上初政廷臣有條上畿輔水
利營田事宜者既格不得行其明年河決豐沛運道梗塞
遂議改海運於是乎河漕並困矣讀是書爲之慨息且惜
子勤有經世之志而跽伏里閭徒使人目爲經生家言而
忽之也子勤喜治古文澗樸得之方望溪氏然心力尤注
於禹貢一書殆欲與胡渭相表裏而精密有加焉所謂繼
事者易有功者耶吾鄉先輩若王鑑華玉瀉於禹貢俱有
撰述而不甚著稱是書出吾知前賢當畏後生已乃爲之
序而歸之

禹貢古今注通釋

序

二 古景秋館

咸豐元年冬十二月同學年弟秦緬業書

欽定四庫全書
水田三萬九千有奇 憲廟時曾修畿內水利亦得田七
千餘頃其成效可睹也 今上初政廷臣有條上畿輔水
利營田事宜者既格不得行其明年河決豐沛運道梗塞
遂議改海運於是乎河漕並困矣讀是書爲之慨息且惜
子勤有經世之志而跽伏里閭徒使人目爲經生家言而
忽之也子勤喜治古文澗樸得之方望溪氏然心力尤注
於禹貢一書殆欲與胡渭相表裏而精密有加焉所謂繼
事者易有功者耶吾鄉先輩若王鑑華玉瀉於禹貢俱有
撰述而不甚著稱是書出吾知前賢當畏後生已乃爲之
序而歸之

禹貢古今注通釋目錄

是書楨在京師姚吏部湘坡師寓所作也楨幼卽喜讀胡渭閻若璩顧棟高三家之書初未得其要領後從吳江連青厓先生游相與討索因取歷代史地志山經輿圖辨其異同叅互考訂纂成禹貢注六卷姚師見而善之命授公子似亭顏曰古今注通釋不敢過信古注惟其是而已鄭注久無專本馬王亦散佚所引本江聲王鳴盛孫星衍焦循水道沿厯本傳澤洪齊召南郡縣今釋本洪亮吉李兆洛所未盡者以己意論箸于篇近時之水亦開坵焉自丙午迄庚戌凡五年于茲矣纂之若是之勤以云有當經誼未敢信也道光三十年四月金匱侯楨

禹貢古今注通釋

目錄

三 古景秋館

卷一

冀州

兗州

青州

徐州

卷二

揚州

荊州

卷三

豫州

梁州

雍州

卷四

導山

卷五

禹貢古今注通釋


導川

卷六

定賦弼服

目錄

四
古
書
影
印



跋

外舅子勤先生先慈侯宜人弟也篤志嗜學著述宏富道光中以名孝廉授徒京邸一時從游甚盛經其指授悉有法度嘗病禹貢一書注家疏謬乃於琴川姚湘波侍御館中蒼萃諸說折衷己意纂成古今注通釋六卷以授侍御之子侍御見而善之爲之鐫板一時風行都下治禹貢者奉爲枕中鴻寶庚申之亂板燬於火先生亦遽歸道山光緒丁酉余旣以先生所著古杼秋館詩文遺稿壽之貞木而此書洊更世變絕少傳本先生從孫伯文績學砥行於

禹貢古今注通釋

跋

一 古杼秋館

邑中先哲遺著搜採甚力一日手其家藏舊本示余且謀重梓余喜其能綿先人手澤爰醮貲助刊并命豫利與參校字於梓工斷手時謹識數語而歸之伯文所爲還讀齋詩古文辭已卓然成一家言異日刊行問世當與古杼秋館後先輝映於此見名賢有後而侯氏之世澤長也至先生遺著尙有十餘種伯文能留心搜輯次第付梓以垂久遠是又余所深望者矣

甲寅夏四月子婿吳鏜謹跋

邑志文苑傳

侯楨字子勤道光二十六年舉人博通經史方輿水利諸書無所不究善爲詩古文辭與張岳駿同師事梅曾亮於京師既歸益肆力於學著述甚富粵匪之亂再投水不死困頓逾年而卒同時湯天麟字石民與楨善亦工詩

高夏口今注通釋

邑志文苑傳

一 古村秋館



附錄並平而卒國都黃天麟字石民與楨善亦工詩

京師既歸益肆力於學著述甚富粵匪之亂再投水不死

困頓逾年而卒同時湯天麟字石民與楨善亦工詩

附錄並平而卒國都黃天麟字石民與楨善亦工詩

邑志文苑傳

禹貢古今注通釋卷一

金匱侯楨子勤氏纂

從姪孫侯學愈
外孫吳豫祀

校刊

禹貢

書序曰禹別九州隨山濬川任土作貢孔氏安國傳曰

禹制九州貢法孔氏穎達正義曰賦者自上稅下之名

治田出穀經定其差等謂之厥賦貢者從下獻上之稱

以所出之穀市其土地所生以獻謂之厥貢王氏炎曰

九州有賦有貢凡賦諸侯以供其國用凡貢諸侯以獻

於天子絜貢名篇有大一統之義焉楨案貢者夏后氏

禹貢古今注通釋

卷一

五 古桿秋館

田賦之總名也孟子曰夏后氏五十而貢廣雅釋詁云

貢上也稅也釋言云獻也古者以貢當稅義得通稱也

鄭氏元訓貢為功云地平天成而府事允治萬世允賴

皆禹之功也於義亦通然不若從序任土作貢為得余

纂是書大旨本鄭氏而義有未協者亦不敢強同也

禹敷土

敷史記夏本紀作傅鄭氏曰敷布也布治九州之水土

馬氏融曰敷分也傳曰洪水汎濫禹分布治九州之土

葉氏夢得曰辨九州之封域而分布之使官各有守以



任其事民各有宅以任其力也槓案敷荀子作溥言治
功之廣也禹貢首言敷土以明大禹有天下之未論語
曰禹稷躬稼是其義也然則經言刊旅滌源皆爲田賦
而設爾

隨山刊木

鄭氏曰必隨州中之山而登之除木爲道以望觀所當
治者則規其形而度其功焉傳曰隨行山林斬木通道
槓案刊漢書作棗說文棗槎識也讀若刊槎衰斫也傳
訓刊爲斬本許慎而鄭氏以刊爲除者左氏襄二十五
年傳云井湮木刊杜預注訓爲除是也

禹貢古今注遺釋

卷一

六 古杓秋館

奠高山大川

馬氏曰定其差秩祀禮所視也傳曰奠定也高山五岳
大川四瀆槓案伏生尚書大傳云高山大川五岳四瀆
之屬傳截去之屬二字非也蓋九州皆有高山大川所
謂刊旅滌源者皆是不獨五岳四瀆也又考堯時五岳
東岱南衡西華北恆中太岳也爾雅河南華河西嶽則
以華爲中岳岍爲西嶽水經禹貢澤地所在則以霍爲
南岳云在廬江潯縣西南然禹貢無此山蓋漢時因衡

山遠移祀此山也爾雅又以嵩高爲中岳嵩高卽禹貢
外方堯時不以爲岳周都岐陽以太華爲中岳堯都蒲
坂以霍太山爲中岳則禹貢中岳爲太岳無疑矣

冀州

鄭氏曰兩河間曰冀州不書其界者時帝都之使若廣
大然傳曰此州帝都不說境界以餘州所至則可知蘇
氏軾曰堯水河爲患最甚江次之淮次之河行冀兗爲
多而青徐其下流被害尤甚故禹行自冀始次兗次青
次徐四州治而水患衰矣次揚次荆以治江淮江淮治

禹貢古今注通釋

卷一

七 古序秋信

而水患平次豫次梁次雍以治江河上流之餘患而雍
最高故終焉榷案冀州界今山西太原平陽潞安汾州
大同朔平澤州蒲州等九府遼沁隰解保德平定等十
州直隸順天永平順德保定正定宣化廣平承德八府
及河間府河間任邱肅寧三縣遵化易定深趙五州河
南則懷慶衛輝彰德三府東北則 盛京錦州府其北
直抵塞外陰山下西至歸化城西黃河東岸故唐東受
降城之北東訖於大遼水皆是也

既載壺口治梁及岐

鄭氏曰地理志壺口山在河東北屈縣之東南梁山在左馮翊夏陽岐山在右扶風美陽西北梁山西南于此言治梁及岐者蓋治水從下起以襄水害易也槓案北屈縣今山西平陽府吉州東北二十一里壺口山在州西南七十里夏陽今陝西同州府韓城縣南二十里梁山在縣西北九十里美陽今乾州武功縣西南岐山在縣東北四十里水經河水南過河東北屈縣西酈道元注云北屈縣故城西十里有風山西四十里河南孟門山與龍門山相對大禹疏通謂之孟門卽龍門之上口也又酈注南出龍門口云大禹導河積石疏決梁山謂斯處也則鑿龍門卽治梁山治梁山卽治壺口矣傳曰壺口在冀州梁岐在雍州從東循山治水而西曾氏做曰其先河出孟門之上橫流而出其東壺口其南梁山其西岐山皆墊於水禹於壺口之西闢孟門而始事於壺口於梁山之北闢龍門而終事於梁山而其餘功又及岐山焉壺口梁岐施功同時不可分言於二州故并言於冀也蔡氏光集傳以梁爲呂梁岐爲狐岐皆冀州山非是呂梁山一名骨脊山在今山西汾州府永甯州

東北狐岐山一名薛頡山在今汾州府孝義縣西二山
去河甚遠不得謂河水所經也又案既載蘇氏始屬下
讀蔡傳本之允儒皆屬上冀州爲句謂載之言事作徒
役而書之於册胡氏謂曰經實無此意且以既載立字
連上讀則壺口二字不成辭今從蘇氏謂低水之謂
既修太原至于岳陽謂矣謂曰高平曰原太原每遠太原

岳陸氏

德明

經典釋文字又作嶽鄭氏曰岳陽縣太岳

之南于地理志太原今以爲郡名岳太岳在河東故彘

縣東名霍太山積案太原郡今山西太原府太原縣治

禹貢古今注通釋

卷一

九

古經秋館

彘縣漢順帝改爲永安縣今山西霍州治山在州東三

十里爲中鎮周禮職方氏冀州其山鎮曰霍山卽此也

堯時爲中岳故有岳名後人誤讀崧高詩以嵩山爲中

岳而太岳之名反隱矣傳曰高平曰原太岳在太原西

山南曰陽曾氏曰太原汾水之所出岳陽汾水之所經

既修太原至于岳陽道汾水故也今考水經注汾水出

太原汾陽縣北管涔山汾陽縣今爲靜樂縣山在縣北

六百三十里一名燕京山淮南子曰汾出燕京是也山

最高大橫亘數百里爲山西諸山之祖汾水其南源也

其曰既修者繼鯀之治言之也葉氏曰傳言禹能修鯀之功則鯀功不皆廢也蓋有因而修之者焉鯀惟知治太原此功所以不成故禹必先事壺口梁岐而後修鯀之舊迹自太原以至岳陽也

覃懷底績至于衡漳

鄭氏曰覃懷爲縣名屬河內地理志漳水出上黨沾縣大鵬谷東北至安平阜城入河行千六百八十里衡漳者漳水橫流入河槓案此清漳也衡古橫字傳說與鄭同言從覃懷致功至衡漳王肅以衡漳爲二水名非也

禹貢古今注通釋

卷一

十 古行秋館

河內今河南懷慶府武涉縣西南懷縣故城在縣西大鵬谷說文水經注作大要谷沾縣今山西平定州南八十里以沾嶺得名沾嶺一山東爲沾河源西爲大鵬谷在樂平縣西清漳之源也濁漳出今山西潞安府長子縣西南發鳩山一名鹿谷山至交漳口入清漳地理志鹿谷山濁漳水所出東至鄴入清漳是也鄭不言濁漳以入清漳略之也阜城後漢屬安平國今直隸河間府阜城縣東爲故漳入河之道又案河水湍急非挾他水之力逼之入海未可言治昔之用涓洛漳衛猶今之用

淮也焦氏備曰治河之法備於冀州河出龍門得涓力挾之而東恐其溢也修太原以通汾水而持之既至孟津將欲載之高地則用伊洛諸水挾之而北恐其溢也通沁水以持之覃懷底績沁水通也沁持於河內洛逼於河南而河乃北就衡漳矣

厥土惟白壤

馬氏曰壤天性和美也傳曰無塊曰壤水去土復其性

色白而壤陳氏

大猷

曰自言色壤言質水患退而後土

性復色質辨始可興地利定賦法也槓案禹利九州定

禹貢古今注通釋

卷一

十一 古杓秋館

賦法冀州白壤賦上土錯其質厚故收穫多於他州自溝洫廢人功不修冀州遂爲廢土後人因壤性本美於玉田豐潤二縣開水田獲稻堅好地力盡人功修也我

朝林文忠

則徐

徐士郎

士芬

皆欲因畿輔水利開墾

以省南漕嘗攷井京畿諸水直沽所匯者曰白河曰桑

乾河曰清水河曰滹沱河曰漳河曰衛河盛京諸水

西至京東者曰灤河曰薊運河白河源出宣化府赤城

縣邊外五郎海山西南流入邊合獨石龍門二水南經

密雲與潮河合潮河出古北口邊外西北大山卽白河

之上源也又南至通州合沙河又南合玉河沙河出昌
平州西北居庸關東南流過朝宗橋至宛平北境入海
淀玉河出玉泉山東北經大內出都城注大通河
皆合白河又南經通州城東曰潞水又東南經香河武
清至天津合桑乾又經府城北至直沽北入海桑乾河
今名永定河源出山西朔平府朔州西北洪濤山東南
流合灰河灰河出管涔山北麓卽桑乾之南源也二水
合流經大同渾源入直隸界又經保安州至懷來入邊
城行山中經昌平及宛平西境東南出蘆溝橋經良鄉
固安永清霸州東安合玉帶河東流過三角淀三角淀
卽古雍奴水爲七十二清河所匯今日東淀以其對任
邱趙北口之泊爲西淀也又經武清至天津合運河所
謂丁字沽也又經府城北至直沽北入海清水河卽會
同河今名玉帶河西南自任邱趙北口東北經保定霸
州永清東安合桑乾又東南至西沽拒馬漚易之委匯
也拒馬河卽涿水源出直隸易州廣昌縣北厓古塔北
易水卽白溝河一曰濡水南易水卽長流河一曰霍水
皆出易州沙河源出山西繁峙縣東界巖頭山滋河源

出山西五臺縣東界烏牛山皆入唐河唐河卽灑水與
溥沱漳河並詳禹貢衛河以地各本百泉及淇泉非禹
貢之衛上源出山西潞安府南山經河南山東曰大小
丹河又經直隸合漳入海袁大來應泰尹河內嘗鑿五
龍口引丹水灌田國朝師其意設牐埽啟閉三日濟
運一日灌田此衛河之上源也灤河卽古濡水源出獨
石口外東南山中西北流折東南經熱河行宮禁地
又東南至喜峰口入邊又經永平遷安至樂亭入海薊
運河卽古洵水源出遵化州龍井關南山南流合馬蘭
沙淋三河至薊州又合玉田豐潤二水至韓沽西入海
以上諸水皆可仿古溝洫法引以溉田不則鑿井仿恆
升車法激水自下而上用竹承注逕達田間一井可收
十畝之用徐侍郎嘗試行海淀積有成效惜爲當事所
阻余因叅其意並詳畿輔諸水以備有志者採擇焉

厥賦惟上上錯

鄭氏曰此州入穀不貢賦之差一井止上出九夫稅上
中出入夫稅上下出七夫稅中上出六夫稅中中出五
夫稅中下出四夫稅下上出三夫稅下中出二夫稅下

禹貢古今注通釋

卷一

三 古序秋館

雍州田上上反出中下之賦肅說非是然肅舍賦而專
言田猶可自持其說孔傳說兼鄭王不兩惑與西齊引
恆衛旣從大陸旣作靈壽澗東并桑靈壽山曰善靈壽泉澗水
鄭氏曰地理志恆水出恆山衛水在靈壽大鹿澤在鉅
鹿北爾雅釋地十藪晉有大陸傳曰三水已治從其故
道大陸之地已可耕作孔氏曰地理志恆水出常山上
曲陽縣東入澗水衛水出常山靈壽縣東北入滹沱又
云釋地晉有大陸孫炎等皆云今鉅鹿縣北廣河澤也
槓案上曲陽縣今定州曲陽縣西恆山去縣治百二十
里恆水出焉一名長溪東至保定府祁州入於澗水靈
壽縣今正定府靈壽縣西北衛水出其縣良司村一名
雷溝東南流入滹沱河周禮職方氏并州其山鎮曰恆
山其川曰虜池嘔夷嘔夷卽澗水也恆衛入滹沱澗水
以小水入大水所謂旣從也禹貢施功者雖小必記不
施功者雖大亦略胡氏卽以滹沱澗水爲恆衛非也今
考滹沱源出山西繁峙縣東北泰戲山曰青龍泉澗水
源出山西渾源州南翠屏山卽恆山西麓曰唐河齊氏
召南亦以爲卽禹貢恆衛蓋恆衛入滹沱澗水後人遂

以滹沱滙水當之也鉅鹿縣屬鉅鹿郡今直隸順德府平鄉縣治甯晉北泊在縣西北一名鉅鹿澤又名廣阿澤班固鉅鹿郡下繫諸禹貢者是也其上游曰葫蘆河卽漳水北受滹沱於東鹿南至冀州北又東北經衡水武強獻縣分爲二派以會於天津直沽口東入海卽古大陸澤也或因冀州大陸有三遂以河南修武縣吳澤當之失之遠矣修武爲古甯地去鉅鹿絕遠不得引春秋說以證禹貢也恒衛大陸書于田賦之後者曾氏曰恒衛二水在帝都之北而且遠大陸地最卑而河所經故其成功在田賦之後林氏曰恒衛大陸成功在田賦既定之後故不與覃懷衡漳文勢相屬其論書法皆善也

鳥夷皮服夾右碣石入于河

鳥史記漢書並作烏河或爲海鄭氏曰鳥夷東北之民賦食鳥獸者戰國策碣石在九門縣今屬常山郡蓋別有碣石與此同名今驗九門無此山也傳曰海曲謂之鳥碣石海畔山孔氏曰地理志云碣石山在北平驪城縣西南積案鳥馬鄭王並作鳥與馬班同疏云孔讀鳥

爲島是僞傳破讀亦未改字今本從衛包改也鄭引戰
國策云九門無此山九門在今正定府藁城縣西北無
大山鄭說是又云別有碣石當亦以禹貢碣石爲在驪
城也鄭注多引地志此常有闕文耳驪城在今永平府
灤州西南與昌黎撫寧接界枕海有山頂曰天橋柱韋
昭常指此爲碣石閻氏若璣曰酈道元家酈亭今之涿
州距碣石六百餘里三言碣石淪于海無論今撫寧縣
有碣石山去海尚三十里卽其本朝文成帝太安四年
戊戌登碣石山觀滄海改山名樂游此豈包淪洪波者
耶程大昌生南宋益附會以碣石在海中去岸五百餘
里眞妄談觀此則以碣石爲淪于海者誤碣石異說最
多詳導山其曰夾右者蘇氏曰河自碣石山南渤海之
北入海夾挾也自海入河逆流而西右顧碣石如在挾
掖也蔡氏曰島夷以皮服來貢自北海入河南向西轉
而碣石在其右轉屈之間故曰夾右也蓋自海入河爲
貢道史遷作入于海者誤林氏曰島夷皮服者言水害
旣除海曲之夷獻其皮服也今五經通義與西漢書

濟河惟兗州

海鄭屬亦未刻定今本當爲自刻也漢山洲

禹貢古今注通釋

卷一

七 古序秋館

竟史記作沅鄭氏曰言沅州之界在此兩水之間王氏曰東南據沔西北距河傳同孔氏曰據謂跨之距至也濟河之間相去路近兗州之境跨濟而過東南越濟水西北至東河也此下八州發首言山川者皆謂境界所及也槓案濟當作沔漢書亦作沔說文云沔沅也又云濟水出常山房子贊皇山明沔濟音同義別今以濟爲沅水非也又案兗州界今河南衛輝府延津封邱攷城三縣山東東昌武定二府臨清州及兗州曹州濟南青州四府西北境直隸天津河間大名三府冀州及正定府晉州冀城縣皆是也

九河既道

鄭氏曰河水自上至此流盛而地平無岸故能分爲九以衰其勢壅塞故通利之也九河之名徒駭太史馬頰覆鬴胡蘇簡絜鉤盤鬲津周時齊桓公塞之同爲一河今河間弓高以東至平原鬲津往往有其遺處焉傳曰河水分爲九道在此州界平原以北是孔氏曰河從大陸東畔北行而東北入海冀州東境至河之西畔水分大河東爲九道知在兗州界平原以北也漢書溝洫志

成帝時河隄都尉許商上書曰古記九河名有徒駭胡蘇鬲津今見在平原東光鬲縣界中其間相去二百餘里徒駭最北鬲津最南蓋徒駭是河之本道東出分爲八枝也許商上言三河下言三縣則徒駭在成平胡蘇在東光鬲津在鬲縣其餘從北而南太史馬頰覆釜在東光之北成平之南簡潔鉤盤在東光之南鬲縣之北也元于欽齊乘曰漢世去古未遠許商言九河故道簡而近實後世圖志雖詳反見淆亂某嘗往來燕齊西道河間東履清滄熟訪九河故道蓋昔北流衡漳注之河

既東徙漳自入海安知北流之漳非古徒駭河歟踰漳而南清滄二州之間有古河隄岸數重地皆沮洳沙鹵太史等河當在其地滄州之南有大連灘西踰東光東至海此非胡蘇河歟南至西無棣縣百餘里間曰大河曰沙河皆瀕古隄縣北地名八會曰縣城南枕無棣溝茲非簡潔等河歟東無棣縣北有陷河濶數里西通德棣東至海茲非所謂鉤盤河歟濱州北有土傷河西踰德棣東至海茲非鬲津河歟土傷河最南比他河差狹是爲鬲津無疑也楨案九河異說甚多書疏齊乘引許

商說疏證明確最爲有據閻氏亦引二書以駁蔡傳簡
絜爲一河之誤并正王橫九河包淪於海之譌當可信
也說詳導川

雷夏既澤澼沮會同

鄭氏曰雍水沮水相觸而合入此澤中地理志雷澤在
沛陰成陽傳曰雷夏澤名澼沮二水會同此澤孔氏曰
洪水之時高原亦水澤不爲澤雷夏既澤高地水盡此
復爲澤也楨案今山東曹州府濮州東南有雷澤在漢
爲成陽縣隋改雷澤縣唐屬河南道濮州元和郡縣志

禹貢古今注通釋

卷一

二十一 古杆秋館

云澼水沮水二源俱出雷澤縣西北平地去縣十四里
雷夏澤在縣北郭外今澼沮二水不可攷蓋宋時河決
曹濮間其源已塞蔡氏以汭睢當之非是汝節韓氏謂
汭睢在豫徐州之境無與於兗州是也又案周禮沈州
其浸盧維鄭注云當作雷雍引此經胡氏曰周禮多古
字靄似盧維似維以字形相近而誤鄭破盧維爲雷雍
殆不可易二水合以注澤則言雍固可該沮也蓋雍雍
古今字史記漢書作雍晉人始改作澼遂與說文汭水
至蒙爲澼水之澼相混也

桑土既蠶是降邱宅土

鄭氏曰其地尤宜蠶桑因以名之今濮水之土地有桑
間者槓案樂記桑間濮上鄭氏彼注云桑間在濮陽南
考續漢郡國志濮陽屬東郡今在直隸大名府開州南
鄭氏又云此州寡於山而夾川兩大流之間遭洪水其
民尤困水害既除於是下邱居士以其免於厄尤喜故
記之案夾川兩大流河濟是也此州夾河濟之間少山
而多邱傳曰土高曰丘楚王帝丘詩言降觀于桑者皆
在開濮之間故經繫此條於桑土既蠶之下也王氏

禹貢古今注通釋

卷一

三 古序秋館

曰蠶性惡溼於下土非宜堯地宜桑於水退始宜故獨
於堯志之

厥土黑墳厥草惟繇厥木惟條

繇說文引作繇馬氏曰墳有膏肥也繇抽也傳曰黑墳
色黑而墳起繇茂條長也林氏曰墳者土膏脈起也

厥田惟中下厥賦貞作十有三載乃同

鄭氏曰貞正也治此州正作不休十三年乃有賦與八

州同言功難也其賦下下傳曰田第六賦第九賦正與

九相當孔氏曰諸州賦無下下貞卽下下爲第九也槓

案作謂耕作言禹治水十三年水患始平此州始盡耕作之利也孔疏惑於馬融云禹治水三年入州平故堯以爲功而禪舜是十二年而入州平十三年而兗州平并數鯀之九年其謬實甚禹雖神聖安能以四年平天下之水且孟子明言禹八年於外顧反不如馬融之確耶史記漢志並引夏書禹抑鴻水十三年未嘗數鯀康成受古文尙書於季長亦不宗其說冲遠之說斷非矣厥貢漆絲厥篚織文

漆陸釋文引說文作漆篚漢書作棊鄭氏曰貢者百功

之府受而藏之其寔於篚者入於女功故以貢篚別之允征曰篚厥元黃紹我周王傳曰地宜漆林又宜桑蠶織文錦綺之屬盛之篚篚而貢焉孔氏曰任土作貢此州貢漆知地宜漆林也織文織而有文者也

浮于濟澤達于河

鄭氏曰地理志澤水出東郡東武陽傳曰順流曰浮濟澤兩水名因水入水曰達孔氏曰地理志云澤水出東郡東武陽縣至樂安千乘縣入海過郡三行千二十里其濟則下文具矣因水入水謂不須舍舟而陸行也楨

案澤張叅五經文字作濕說文濕水出東郡東武陽入海桑欽云出平原高唐今山東曹州府朝城縣南有漯河東南有東武陽故城又青州府高苑縣北濟南府禹城縣西皆有漯河高苑爲漢千乘禹城爲漢高唐皆漯之所經志言過郡三者東郡平原千乘也後儒因桑欽所言與鄭注不合遂分東武陽高唐爲二水非是蔣氏

延錫

曰漯水本出高唐自禹導河至大伾始分河之一

支東南流首經東武陽至高唐合漯水自合漯水則高唐以南武陽以北之河皆被以漯名矣然河與漯合可

禹貢古今注通釋

卷一

三 古扃秋館

謂之漯未與漯合不能先被以漯名也段氏

玉裁

曰酈

注河水篇云按竹書穆天子傳兩言濕水尋其沿歷逕趣不得近出高唐也桑氏所言蓋津流所出次於是間也玉裁按桑舉其源之近者耳斯言得之孔疏言從漯入濟自濟入河蔡傳言河之支流皆誤於漢末濟漯爲河水隔斷遂至漫無依據不足辨也

海岱惟青州

鄭氏曰東自海西至岱東岳曰岱山傳曰東北據海西南距岱孔氏曰海非可越而言據者東萊東境之縣浮

海入海曲之間青州之境非至海畔而已故言據也漢
末公孫度竊據遼東自號青州刺史越海收東萊諸郡
堯時青州當越海而有遼東也槓案青州東至朝鮮西
至泰山朝鮮爲漢元菟樂浪郡唐曰高句驪後曰高麗
兩國朝復曰朝鮮朝鮮之西爲盛京鴨綠江口隔海
與山東登州成山相望西南爲甯海縣旅順城隔海與
登州蓬萊岡相望閣在府治西北北有廟島東曰長山
島又北曰鼉磯島又東北曰大欽小欽南黃城北黃城
四島又北卽旅順口也洲嶼如星羅碁布孔疏言浮海
入海曲之間甚是泰山爲東嶽在泰安府泰安縣北五
里爲漢泰山郡博縣地續漢郡國志泰山郡博有泰山
廟岱山在西北是也又案青州界今山東登州萊州二
府青州府益都臨淄壽光昌樂臨朐安邱六縣及博興
高苑樂安三縣南境諸城縣西北境沂州府莒州東北
境濟南府歷城章邱鄒平淄川長山新城長清七縣泰
安府肥城縣及泰安萊蕪東阿平陰四縣北境東北跨
海爲新盛京奉天府又東訖朝鮮國皆是也

馬氏曰嶠夷地名用功少曰略傳同孔氏曰卽堯典宅
嶠夷是也槓案春秋左氏傳曰天子經略四方又云封
畛土略皆訓爲界說文云畧經畧土地也則訓爲用功
少者非是說文又云嶠夷在冀州陽谷立春日日值之
而出尙書曰宅嶠夷又曰陽谷在遼西一曰堯鏡陽谷
也許以嶠夷屬遼西故曰冀州孫氏星衍不能正其謬
而曰唐虞青州越海而至遼東與冀州連界故許氏云
在冀州非也薛士龍云在登州于欽云在海甯州皆異
說不可從胡氏曰後漢書東夷有九種曰畎夷千夷方

禹貢古今注通釋 卷一

五 古序秋館

夷黃夷白夷赤夷元夷風夷陽夷昔堯命羲仲宅嶠夷
曰陽谷蓋目之所出也贊曰宅是嶠夷曰乃陽谷巢山
潛海厥區九族是以九夷爲嶠夷也考其地則兼三韓
而言今當以朝鮮國爲正

濰淄其道

鄭氏曰濰淄兩水名地理志濰水出琅邪箕屋山淄水
出泰山萊蕪縣原山傳曰濰淄二水復其故道孔氏曰
地理志云濰水出琅邪箕屋山北至都昌縣入海過郡
三行五百二十里淄水出泰山萊蕪縣原山東北至千

乘博昌縣入海槓案琅邪郡今山東青州府諸城縣東
一百五十里箕屋山在沂州府莒州西北與諸城接界
一曰濰山淮南子作覆舟山濰水出焉俗曰淮河亦曰
東汶河東流逕諸城縣西折而北至萊州府昌邑縣入
海今曰淮河口昌邑卽漢都昌也萊蕪縣今山東濟南
府淄川縣東南原山在青州府益都縣西南與淄川接
界一曰岳陽山淮南子作飴山淄水出焉東北流至青
州府博興縣合小清河又東北至壽光縣北入海攷漢
志淄水至博昌入涉博昌今博興縣疏引作入海誤蓋
禹貢淄水出博昌入濟合濟入海今入海處曰小清河
口濟水故道久爲小清河所奪矣

禹貢古今注通釋

卷一

五 古序秋信

厥土白墳海濱廣斥

鄭氏曰斥謂地鹹鹵傳曰濱涯也言復其斥鹵孔氏曰
說文鹵鹹地也東方謂之斥西方謂之鹵海畔廻濶地
皆斥鹵故云廣斥言水害除復舊性也林氏曰此州之
土有二種平地則色白而性墳至於海濱則彌望皆斥
鹵之地斥者鹹土可煮以爲鹽者也槓案說文古者宿
沙初作煮海爲鹽青地濱海可煮爲鹽故齊擅魚鹽之

利管子所謂齊有展渠之鹽燕有遼東之煮是也遼東亦青州地也

厥田惟上下厥賦中上

傳曰田第三賦第四

厥貢鹽絺海物惟錯

鄭氏曰海物海魚也魚種類尤雜傳曰絺綌葛錯雜非

一種蔡氏

元度

曰貢物不以精麤爲敘而以多少爲敘

青州鹽居多故敘於先也

岱畎絲枲鉛松怪石

禹貢古今注通釋

卷一

一毛 古村秋館

傳曰畎谷也怪異好石似玉者岱山之谷出此五物皆貢之孔氏曰釋水云水注川曰谿注谿曰谷谷是兩山之間流水之道故言畎去水故言谷也枲麻也鉛錫也楨案禮記喪服傳馬氏注云枲麻之有蕢者言枲與麻類也鉛說文云青金也王氏曰黑錫曰鉛怪石石之次玉者程氏大昌曰質狀色澤似石而非石故名爲怪古者用玉比後世特多其勢不得不以似玉者充之玖璵琇之類是也

萊夷作牧

傳曰萊夷地名可以牧放槓案萊夷今山東登萊二府濱海地地理志東萊黃縣有萊山萊夷當是萊山之夷左氏定十年傳云萊人欲以兵劫魯侯孔子曰裔夷之俘以兵亂之杜預注萊人齊所滅萊夷也作牧爲二事吳氏澄曰作謂耕作牧謂牧放禹貢之作皆謂耕作自馬融訓作十有三載爲治水後人遂訓此州作牧爲貢鳥獸引周禮任牧以畜事貢鳥獸爲證皆臆說也

厥篚麋絲

歷史記作禽傳曰麋桑蠶絲中琴瑟弦孔氏曰釋木云

禹貢古今注通釋

卷一

天 古序秋館

麋桑山桑郭璞曰柘屬也麋絲是蠶食麋桑所得絲韌中琴瑟弦也蘇氏曰麋桑出東萊以織繒堅韌異常東萊人謂之山繭槓案諸州貢篚並書此獨書於萊夷作牧之後者麋桑出東萊必俟其作牧而後有此以實篚也

浮于汶達于濟

鄭氏曰地理志汶水出泰山萊蕪縣原山西南入沛蔡氏曰不言達河者因於兗也槓案汶水與淄水同出原山漢志萊蕪縣下云原山淄水出又云禹貢汶水出西

南入沛桑欽所言說文亦引桑說蓋與淄同源別流也
水經云汶水出泰山萊蕪縣原山合北汶牟汶柴汶過
壽張縣北又西南至安民亭入濟安民亭卽今安山鎮
爲古汶入濟處汶水其源非一合流於泰安府之靜安
鎮者謂之大汶汶之經流也其出萊蕪縣東南海眼泉
西流至泰安府東入汶者謂之牟汶在萊蕪縣南三十
里源出新泰縣宮山之陰北流合牟汶者謂之羸汶宮
山卽古新甫山也其出泰山分水嶺泰安志曰塹汶又
名泮水者謂之北汶在泰安府東三十五里俗名司馬
河源出大屋山者謂之柴汶在泰安府東七十里源出
宮山流逕徂徠山南古梁父城又西南入汶者謂之小
汶皆異源合流通謂之汶者也攷汶水舊由安山鎮合
濟水入海自明永樂九年開會通河於東平州東六十
里築戴村壩以遏入海之道使盡出南旺湖分爲二東
湖跨汶南北曰蜀山曰馬踏其初則一湖也汶水至此
南北分流號爲分水口六分北流達臨清州合漳衛諸
水入海四分南流達濟甯州合泗沂諸水入淮者是也

海岱及淮惟徐州

言汶水入淮也

鄭氏曰徐州界又南至淮水傳曰東至海北至岱南及
涓林氏曰一州之境必有四至七州皆止至蓋以鄰
州互見至此州獨載其三邊者止言海岱則嫌於青止
言淮海則嫌於揚故必曰海岱及淮而後徐之疆境始
別也槓案徐州界今江蘇徐州府海州及淮安府清河
安東桃源三縣安徽鳳陽府懷遠靈璧二縣宿州及泗
州五河縣山東兗州府滋陽曲阜寧陽鄒泗水汶上滕
嶧八縣濟寧州金鄉魚臺嘉祥三縣曹州府鉅野縣泰
安府新泰縣東平州及萊蕪平陰二縣南境沂州府蘭
山郟城費三縣及莒州蒙陰沂水日照南境青州府諸
城縣南境皆是也

淮沂其乂

鄭氏曰淮沂二水名地理志沂水出今太山蓋縣傳曰
二水已治孔氏曰乂訓治也地理志云沂水出泰山蓋
縣隴樂子山南至下邳入泗過郡五行六百里淮出桐
栢山發源遠矣於此州言之者淮水至此而大爲害尤
甚喜得其治故於此記之槓案蓋縣今山東沂州府沂
水縣西北八十里臨樂山卽水經注所云艾山一名雕

禹貢古今注通釋

卷一

三 古序秋館

崖山在縣西百七十里沂水出焉或云沂水出沂山此
水鄭氏職方注沂山卽東泰山隋唐後祀爲東鎮去雕
崖五十里今此山無沂源黃氏儀曰沂山鄭康成謂沂
水所出今沂水寔出雕崖則古沂山當卽指此隋唐時
始移沂山之名於東泰山其實二山不可混也愚謂沂
山跨蒙陰沂水二縣雕崖山卽沂山之西峰亦曰大弁
山沂水所出古統謂之沂山如淮出桐柏實始胎簪不
得分胎簪桐柏爲二山也酈道元於芟下山鄭云沂山
且云亦或云臨樂山明其同也今沂水出雕崖山南流
經沂水縣西又南歷蘭山郟城入江蘇界至邳州合泗
水又東南經宿遷縣北又南入運河其出曲阜縣尼丘
山西北經魯之雩門者亦謂之沂水西入泗卽曾點所
浴也非禹貢之沂水經源流亦別水經又有小沂水三
一出東莞縣黃孤山一出南武陽縣冠石山一出下邳
縣城東水上有橋徐泗間以爲埧張子房遇黃石公於
埧上卽此東莞今沂水縣南武陽今費縣下邳今邳州
皆合於沂而同流入泗者也然埧上之沂今已塞爲平
地今其源不可考矣淮詳導川篇

蒙羽其藝

鄭氏曰蒙羽二山名傳曰二山已可種藝孔氏曰地理志云蒙山在泰山蒙陰縣西南羽山在東海祝其縣南楨案蒙陰今山東沂州府蒙陰縣西南十五里蒙山在縣南四十里西南接費縣在龜山東詩曰奄有龜蒙卽此也于欽齊乘曰龜蒙二山連屬長八十里禹貢之蒙羽論語之東蒙正此蒙山也其言甚覈邢昺論語疏亦云在魯東故曰東蒙或分蒙與東蒙爲二山誤今并以蒙之最高峯曰雲蒙其東曰東蒙龜山曰龜蒙則說經者誤之也祝其今江蘇海州贛榆縣西南五十里羽山在沂水縣東南一百里接郟城東北贛榆西南或云爲舜殛鯀處山下有羽潭卽左氏傳其神化爲黃熊入於羽淵者是也張華博物志云祝其縣東北獨居山西南有淵水卽羽泉也俗謂此山爲懲父山然攷幽州崇山三危之地皆極遠羽山東裔不應若是之近今登州府蓬萊縣東有羽山其南有鯀城殆舜殛鯀處與禹貢之羽與舜典異鯀鯀之山在青域不得移之徐識者當自

辨之

大野既豬東原底平
鄭氏曰大埜在山陽鉅野北名鉅野澤東原地名今東平郡卽東原傳曰大埜澤名水所停曰豬東原致功而平言可耕蔡氏曰東原在徐之西北而謂之東者以在濟東故也漢東平國景帝亦名濟東國益知大野東原所以志濟也楨案山陽今濟寧州金鄉縣西北四十里鉅野縣今曹州府鉅野縣治東平爲漢東平國治無鹽縣在今東平州東鉅埜澤在鉅埜縣北南通洙泗北連清濟左氏哀十四年傳云西狩于大野卽此也東原地在泰山西南濟之東汶之北僖元年公賜季友汶陽之田十年齊人所歸之謹田皆東原地也鉅野澤本汶濟所鍾宋時名梁山灤亦曰安山湖與南旺湖莽爲一壑明永樂中開會通河盡遏汶濟入運是澤遂涸南旺湖獨爲要會漕渠貫其中南北通運之要道也

厥土赤埴墳

埴鄭作戢陸氏釋文徐鄭王皆讀曰熾鄭氏曰熾赤也傳曰土黏曰埴孔氏曰戢埴音義同考工記用土爲瓦大謂之搏埴之工是埴爲黏土楨案傳說是也然考鄭氏

攷工記注埴黏土也疏云尙書禹貢曰厥土赤埴墳注亦云埴黏土者也是鄭此注亦當作黏土李善蜀都賦注引作熾赤疑有誤孔疏哉埴音義同則哉不當訓爲赤也使鄭訓哉爲赤則如白墳黑墳之例曰赤墳可矣何必曰赤哉墳耶

草木漸包

漸說文引作蘄馬氏曰漸包相包裹也傳曰漸進長包叢生孔氏曰易漸卦象云漸進也釋言云苞稂也孫炎曰初叢生曰苞郭璞曰今人呼叢緻者曰稂漸包謂長

禹貢古今注通釋

卷一

古書秋館

進叢生言其美也

厥田惟上中厥賦中中善云傳曰田第三賦第五賦中中傳曰田第三賦第五賦中中厥貢惟土五色

鄭氏曰土五色者所以爲太社之封傳曰王者封五色

土爲社建諸侯則各割其方色土與之使立社蠹以黃

土苴以白茅茅取其潔黃取王者覆四方孔氏曰蠹覆

也苴以白茅用白茅裹土與之槓案逸周書作維解云

諸侯受命於周乃建太社於國中其壇東靑土南赤土

西自土北驪土中央疊以黃土蔡邕獨斷云天子太社以五色土爲壇皇子封爲王者授之土以所封之方色也徐州貢土五色當亦爲是用耳

羽畎夏翟

鄭氏曰羽山之谷貢夏翟之羽傳曰夏翟翟雉名羽中旌旄羽山之谷有之孔氏曰釋鳥云翟山雉此言夏翟則夏翟共爲雉名周禮立夏采之官取此名也槓案周禮天官有夏采鄭氏彼注云夏采夏翟羽色禹貢徐州

禹貢古今注通釋

卷一

三 古序秋館

貢夏翟之羽又注染人秋染夏云染夏者染五色其色以夏狄爲飾禹貢曰羽畎夏狄是其總名其類有六曰鞞曰摶曰鬻曰鬻曰希曰躡其毛羽五色皆備鄭蓋以夏翟爲五色雉也茅氏謂微曰禹濬畎不遺窮谷以岱畎羽畎知之徐州土五色雉羽亦五色物華土產適相符合豈天壤靈氣所鍾禽鳥亦得氣之先與

嶧陽孤桐

鄭氏曰地理志嶧山在下邳槓案說文嶧葛嶧山在東海下邳引此文下邳今江蘇邳州山在州西南因禹貢

嶧陽之文遂名嶧陽山不知經意謂嶧山之陽猶岳陽爲太岳之南不得以嶧陽爲山名也又自葛嶧者地理志東海郡下邳葛嶧山在西古文以爲嶧陽魯國驕故邾國嶧山在北徐州有兩嶧山故以葛嶧別之傳曰孤特也嶧山之陽特生桐申琴瑟林氏曰詩云梧桐生矣于彼朝陽蓋桐之生以向日者爲良必以孤桐者猶言孤竹之管也

泗濱浮磬

大戴禮禮記卷之二十一 泗水出今山東峽川

鄭氏曰泗水出沛陰乘氏積棗地理志魯國卞泗水西南至方輿入沛過郡三行五百里沛陰郡乘氏泗水東

禹貢古今注通釋

卷一

美 古野秋館

至睢陵入淮過郡六行千一百一十里卞今山東兗州府泗水縣東方與今濟寧州魚臺縣北乘氏今曹州府鉅野縣西南睢陵今江蘇徐州府睢甯縣治泗水出今泗水縣東陪尾山西南流至魚臺縣分爲三支一支合荷水西至鉅野入濟一支東至睢寧入淮班志兩敘泗水卞泗所出乘氏泗所經其駢支自方輿至乘氏爲荷水故必分敘而水道始明鄭氏舍卞而專取乘氏非也今攷泗水出陪尾有鉤突珍珠淘麋黑虎四泉皆出泗

水縣泉林寺左四源並發爲山東諸泉之冠西北流過
卞莊城遂爲泗河又西流折西南經曲阜縣北又西經
孔林北又西南至兗州府東北分爲二支正支西南流
至棗林北入運河折東南流至邳州合沂河卽古沂水
又東合河淮入海非禹舊迹矣浮磬出呂梁今徐州府
東南六十里有呂梁洪史記正義引括地志云泗水至
彭城呂梁出石磬是也水經注引晉太康地記亦以呂
梁爲泗濱浮磬所出浮磬之浮諸家所說不同傳曰泗
水涯水中見石可以爲磬孔氏曰泗水傍山而過石爲
泗水之涯水中見石若水上浮然此石可以爲磬故謂
之浮磬周氏曰浮過也與名浮於實之浮同惟泗濱之
石其高過於水上者可以爲磬林氏曰磬之爲器必取
其石之最輕者然後其聲清越以長但以輕故謂之浮
黃氏鎮成曰浮磬出泗濱非必水中蓋浮生土中不根

着者金氏

履祥

曰浮磬如今硯石之取子石者蓋石根

不着巖崖而特生故謂之浮右皆拙明胡氏所引愚謂
浮當作孚說文玉部璠字下云魯之璠璠遠而望之象
若也近而視之瑟若也一則理勝一則孚勝徐鍇繫傳

云孚音符謂玉之光采也禮記聘義云孚尹旁達鄭氏注孚讀爲浮尹讀如竹箭之筠謂玉采色也蓋孚浮古音木通則此州浮磬不特其聲清越兼採石之有光采者以充貢也

淮夷蠙珠暨魚

蠙陸氏釋文字又作玼說文玼珠也宋宏曰淮水中出玼珠玼珠之有聲一作蠙夏書玼從虫賓鄭氏曰淮夷淮水之上民也淮水之上夷民獻此珠與魚也傳曰蠙珠珠名孔氏曰蠙是蚌之別名此蠙出珠遂以蠙爲珠

名楨案淮夷今淮安府濱海地所謂淮水之夷也馬融王肅訓爲二水非是費誓曰徂茲淮夷徐戎並興魯頌曰至于海邦淮夷來同左氏傳曰淮夷病杞皆與此同其可云二水耶

厥篚元織縞

鄭氏曰織細也祭服之材尚細顏氏曰元黑也織細縞也縞鮮支也卽今所謂素言獻黑細縞及鮮支也楨案織縞與織縠同義皆爲二物鄭氏訓爲細非是蓋元織爲黑細縞縞色白所謂縞素是也如以織爲細則此州

禹之篚爲黑細縞矣有是理乎

浮于淮泗達于河

史記達作通河如字槓案河當作蒍說文水部云蒍水在山陽湖陵南禹貢浮于淮泗達于蒍漢書仍史記而於湖陵下引禹貢文正恐誤此文爲大河之水也蒍水或曰蒍澤詳導川金氏曰古文尙書作達于蒍說文引書亦作蒍蒍澤與濟水相通而泗水上可通蒍下可通淮徐州浮淮入泗自泗達蒍也青州書達于濟則達河可知故徐州書達于蒍則達濟可知阮氏元曰說文蒍

禹貢古今注通釋

卷一

三 古畝秋館

字下水經濟水篇引並作達于蒍古文尙書疏證云蒍者澤名爲濟水所經又東至于蒍者是在豫之東北卽徐之西北舟則自淮而泗自泗而蒍然後由蒍入濟以達于河此徐之貢道也曰古文尙書書達于蒍蒍字

禹貢古今注通釋卷一終

禹貢古今注通釋卷二

金匱侯楨子勤氏纂

從姪孫侯學愈
外孫吳豫祖

校刊

淮海惟揚州

鄭氏曰揚州界自淮而南至海以東也傳曰北據淮南

距海黃氏曰揚州吳越之地盡南海皆揚土也禹貢

冀北界標碣石而著島夷則地窮沙漠凡今雲朔燕薊

諸夷居於山者皆是也揚南界表海而著島夷則地窮

漲海凡甌閩交廣諸夷居於山者皆是也楨案揚州界

今汪蘇江甯蘇州松江常州鎮江揚州六府太倉通二

禹貢古今注通釋

卷二

學古序秋館

州淮安府山陽阜寧鹽城三縣安徽安慶徽州寧國池

州太平廬州六府滁和廣德六安四州鳳陽府鳳陽鳳

臺定遠三縣壽州潁州府霍邱縣泗州盱眙天長二縣

河南光州及汝甯府羅山縣信陽州湖北黃州府蘄水

羅田廣濟黃梅四縣其南則江西浙江福建廣東廣西

全省又南訖越南國皆是也

辨曰揚州之域北距淮南距海淮潁光黃其北境也甌

閩交廣其南境也晉書隋書並云交廣二州禹貢揚州

之域交州以交阯而名今爲越南國卽安南也南接占

城爲古越裳地周初重譯來貢越裳獻白雉者是也占
城以北皆古揚州地史記南越傳云秦并天下略定揚
越置桂林南海象郡裴駟引張晏曰揚州之南越晉太
康地記亦云交州本屬揚州取交阯爲名虞之南極也
蓋古者徼外之地統於其州不分置牧交廣之地隸古
揚以羈縻之而已不復問疆域之大小遠近也自通典
以潮陽屬揚州別分嶺南爲古南越以爲非禹貢九州
之域吾不知杜佑何所見而云然也如云禹貢物產貢
賦職方山藪川浸皆不及五嶺之外則建安長樂清源
漳浦等郡皆不宜隸揚州况潮陽乎潮陽旣屬揚州何
不可及交廣二州乎卽云荊州南境至衡山之陽若五
嶺之外在九州分域則以鄰接官屬荊州此又非也荆
州之域自長沙以南洞庭蒼梧之間皆羣蠻地後漢書
南蠻傳槃瓠之種曰精夫卽今武陵蠻是也三苗阻險
亦恃洞庭則今湖南一省已在羈縻之域安得兼及交
廣乎唐虞時由甌閩以達交廣卽以交廣屬揚州且南
交爲堯時南表地素所開通荆梁二州未盡開闢則以
交廣屬揚州無疑也後儒惑於杜說遂云禹分九州揚

地不當斗入西南數千里然九州之域冀盡陰山雍度
流沙梁互滇南皆不可以道里計而青州跨海奄有朝
鮮東西二千里南北四千里有二京四府又牧一百十
八防禦郡三百九十縣鎮三千七百州島遼遠若此則
又何說乎卽以舜以青州越海分齊爲營今五嶺橫絕
南北曷不分揚之南境自爲一州冀州南北太廣分衛
爲并分燕以北爲幽今揚南之廣大不啻如冀曷不分
交廣之地增置二州此又不度時勢之論也古者冀州
之地民居稠密沃野千里故分爲幽并二州若揚州南
境山嶺險峻羣蠻所居秦漢始設立郡縣唐虞時荒遠
遼濶人民稀少安得增置二州乎吾知其說之終窮也
因纂禹貢爲辨之如右後之人庶有攷焉

禹貢古今注通釋

卷二

聖古序秋節

彭蠡既豬陽鳥攸居
鄭氏曰地理志彭蠡澤在豫章彭澤縣西南方謂都爲
豬枳案豫章郡今江西南昌府南昌縣治彭澤縣今九
江府彭澤縣東三十里隋以後置縣在今彭澤縣東四
十里宋以後置縣在今彭澤縣治彭蠡澤後稱彭蠡湖
一曰鄱陽湖以中有鄱陽山而名俗因稱在都昌者爲

東鄱湖在南昌者爲西鄱湖湖在今南昌府城東北一百五十里饒州府城西四十里南康府城東五里九江府城東南九十里周廻四百五十里浸四郡之境上承章貢諸水與江水相吞吐者是也別詳導川鄭氏又曰陽鳥謂鴻雁之屬隨陽氣南北傳曰隨陽之鳥鴻雁之屬冬月所居於此澤孔氏曰日之行也夏至漸南冬至漸北鴻雁九月而南正月而北左思蜀都賦所云木落南翔水泮北徂是也此鳥南北與日進退隨陽之鳥故稱陽鳥呂氏春秋孟春紀云候雁北高誘注候時之雁

從彭蠡來北過至北極之沙漠仲秋紀云候雁來高誘注從北漠中來南過周洛之彭蠡是彭蠡爲鴻雁之所常居處也林氏少穎以陽鳥爲地名蓋臆說耳

三江既入

鄭氏曰左合漢爲北江會彭蠡爲南江岷江居其中則爲中江故書稱東爲中江者明岷江至彭蠡與南北合始得稱中也三江分於彭蠡爲三孔東入海榘案三江爲一派既入者入于海也入海之道南岸自彭澤歷貢池銅陵繁昌蕪湖當塗江寧句容丹徒丹陽武進江陰

常熟鎮洋崇明其北岸歷無爲和州江浦六合儀徵江
都泰興靖江如臯通州海門大江所行禹跡具在後人
誤於班固地理志酈道元水經注遂多異說傳疏以旣
入爲入震澤其謬更甚蓋孟堅言松江爲南江永陽江
荆谿之水爲中江大江爲北江皆揚州川指職方其川
三江言孔疏引以證禹貢非也水經注引庾杲之說以
震澤下流松江婁江東江爲三江陸釋文引吳地記同
蔡傳本之以爲確不可易水經注又引郭璞說以岷江
松江浙江爲三江則歸有光 國朝顧炎武皆主其說

不知以震澤下流爲三江固失禹貢本旨而以松江浙
江配岷江又與導江之旨相戾也楊慎本山海經注謂
岷山大江所出峽山峒山南北江所出三江皆發源于
蜀說更誕妄或引韋昭國語注以松江錢唐浦陽爲三
江或引吳越春秋以浙江浦陽剡江爲三江此吳越之
三江尤於禹貢無與也鄭氏之後惟蘇氏爲得其解其
以豫章江入彭蠡而東至海爲南江岷江江之經流會
彭蠡以入海爲中江漢自北入江會彭蠡爲北江論最
精審惟味別之說與人以可攻之隙爲蘇氏之短然不

害其大醕也程氏疑三江攷以荊州江漢揚州三江爲異名同實說與鄭蘇氏合同爲禹貢之功臣矣

震澤底定

東山臨湖南其餘震澤計首湖里風三萬六千

傳曰震澤吳南太湖名孔氏曰地理志云會稽吳縣故周泰伯所封國其區在古文以爲震澤是吳南太湖名蓋縣治居澤東北故孔傳言南志言西曾氏曰其區之水多震而難定底定者言底於定而不震蕩也易氏被曰三江自入於海不通震澤而當時洪水橫流想其際震澤與江水莽爲一壑自大禹疏導而三江入海震

禹貢古今注通釋

卷二

壘 古岸秋館

澤乃底於定也積案會稽吳縣爲今蘇州府吳縣治今蘇州府吳長洲吳江震澤四縣常州府陽湖無錫宜興荆溪四縣湖州府烏程長興二縣皆瀕太湖卽古震澤也宜興荆溪陽湖無錫長興諸港其水皆入于湖爲湖之來源長洲吳江震澤諸港大都皆受水于湖爲湖之去委以蘇郡地居湖東故也說詳金友理太湖備考太湖之形東西贏而南北縮廣袤七百餘里周三萬六千頃更有七十二山最著者曰洞庭舊名包山有洞室相傳卽大禹治水靈威丈人授書處也無錫西南獨山

口亦相傳爲大禹所闢中獨山橫互水中左爲上獨山
右爲下獨山今管社鹿頂二山也山勢若相聯屬中隔
南北二獨山門爲羣水入湖處與湖北之百瀆納江壺
常鎮數府之水湖南之七十二漣納宣歙杭州茗霅諸
水同爲入湖要道蓋震澤未定上水無所歸既定歲旱
逆湖以溉田歲浸豬湖以殺水而上水平又疏松江及
太倉之劉家河常熟之白茆港導湖入海而下水亦平
今東南財賦半天下而蘇松常嘉湖又半東南皆震澤
底定之功也同縣華翼綸著吳中水利論言治水當濬
其下流太湖爲東南巨浸其下流岸高底淺流恆不暢
惟吳淞江地勢既卑水亦最深然年久湖泥淤積兩岸
蘆灘日闊水勢日束濶處不半里猝遇暴漲勢必旁溢
蘇松州縣皆受其患爲今之計莫若盡去蘆灘使下流
暢達如歸震川所言濶深與揚子江相雄長則來源雖
盛不爲害其說甚善猶黃淮入海之道在安東雲梯關
近日沙漲日廣增設葦蕩一營下流既隘上流遂多泛
濫徐邳諸州屢被其害而淮揚尤甚不得已築隄障水
隄潰泛濫愈甚如高堰東壩爲黃淮太湖之要害日事

增築水患愈多言水利者當亟籌之使下流迅疾則水患自平也
篠簜既敷

鄭氏曰篠箭簜大竹也傳曰篠竹箭簜大竹水去已布
生孔氏曰釋草云篠竹箭郭璞曰別二名也又云簜竹
李廵曰竹節相去一丈曰簜孫炎曰竹濶節者曰蕩郭
璞曰竹別名是篠爲小竹簜爲大竹植案說文篠箭屬
小竹也簜大竹與鄭注傳疏相合也

厥草惟夭厥木惟喬

禹貢古今注通釋

卷一

聖 古 景 秋 館

類馬氏曰天長也傳曰少長曰天喬高也孔氏曰天是少
長之貌詩曰桃之夭夭是也喬高釋詁文詩曰南有喬
木是也王氏曰南方地暖故草皆少長而木多上竦
河朔地高雖合抱之木不能高也充徐言草木皆居厥
土之下凡土無高下燥濕其性皆然兼山林言之若揚
之塗泥惟言沮洳之多山林不與故先草木也

厥土惟塗泥

馬氏曰漸洳也傳曰塗泥地泉溼也植案塗當作塗陸
釋文塗本作涂攷工記引爾雅堂塗謂之陳今爾雅本

亦下着土誤也

厥田惟下下厥賦下上上錯

傳曰田第九賦第七雜出第六江氏曰上錯謂雜出上等蓋時或出中下之賦也

厥貢惟金三品

鄭氏曰金三品者銅三色也王氏曰三品者金銀銅也傳同積案金爲總名說文金五色金也黃爲之長銀白金銅赤金禹貢鏐鐵鉛銀並貢不稱金此言金者明兼金銀銅言之也史記平準書虞夏之幣金爲三品或黃

禹貢古今注通釋

卷一一

哭 古村秋館

或白或赤漢書食貨志亦云古者金有三等黃金爲上白金爲中赤金爲下黃白赤卽金銀銅也鄭言銅三色者金銀未鍊與銅合并鍊銅升銀鍊銀升金故曰銅三色也

璫琨篠簜齒革羽毛惟木

惟木史記漢書皆不引王氏曰璫琨美石次玉者也傳曰齒象牙革犀皮羽鳥羽毛旄牛尾木楸梓豫章孔氏曰詩云元龜象齒知齒是象牙也攷工記犀甲七屬兕甲六屬宣二年左傳云犀兕尙多棄甲則那是甲之所

用犀革爲上知革是犀皮也說文云羽鳥長毛也知羽是鳥羽南方之鳥孔雀翡翠之屬其羽可以爲飾故貢之也說文云犛西南夷長旄牛也此犛牛之尾可爲旄旗之飾經傳通謂之旄牧誓云右秉白旄詩云建旄設旄皆謂此牛之尾故知毛是旄牛尾也直云惟木不言木名故言榘梓豫章此三者是揚州美木故傳舉以言之

鳥夷卉服

鄭氏曰此州下溼故衣草服貢其服者以給天子之官

禹貢古今注通釋

卷一

巽 古杵秋節

傳曰草服葛越孔氏曰釋草云卉草舍人曰凡百草一名卉葛越南方布名用葛爲之左思吳都賦云蕉葛升越弱於羅紈是也楨案今廣東出蕉葛作布甚輕又多木絲亦可作布號吉貝皆卉服之類也鳥漢書作鳥顏師古曰東南之夷善搏鳥者今從衛包所改說詳冀州厥篚織貝

鄭氏曰貝錦名詩云萋兮萋兮成是貝錦凡爲織者先染其絲乃織之則文成矣禮記曰士不衣織吳氏曰染其絲五色織之成文曰織貝不染五色而織之成文曰

織文楨案織貝者實篚之物其文如貝非眞貝也傳云織細紵貝水物非是且貝卽爲水物安知織之爲細紵乎鄭氏詩箋云錦文者如餘泉餘蜺之貝文也是與此注相發明矣

厥包橘柚錫貢

傳曰小曰橘大曰柚其所包裹而致者錫命乃貢言不常孔氏曰此物須之有時故待錫命乃貢與荊州納錫大龜豫州錫貢磬錯皆爲非常並在篚下楨案說文橘果出江南又云柚條也似橙而酢引此文傳以橘柚爲

禹貢古今注通釋

卷一一

辛 古斟秋館

一物但大小別非也鄭以橘柚絕句以錫貢爲有錫則貢之云此州有錫而貢之或時無則不貢錫所以柔金也茲不從者周禮職方氏揚州其利金錫則揚州產錫謂之貢錫可也若豫州不聞產錫錫貢之文亦可謂之貢錫乎當不然也別詳豫州

沿于江海達于淮泗

沿史記作均馬氏曰均均平一作松鄭氏曰松讀曰沿沿順水行也楨案鄭義較馬爲當訓作均江海言治水則可於貢道無涉也顏師古漢書注云均平也道淮泗

而入江海故云平亦臆說也傳曰順流而下曰沿江入海自海入淮自淮入泗孔氏曰文十年左傳云沿海沂江沂是逆沿是順故順流而下曰沿沿江入海順也自海入淮自淮入泗逆也易氏曰揚之貢在北者可逕達淮泗在南者邗溝未開無道入淮必沿江海以達淮泗也左氏哀九年傳云吳城邗溝通江淮杜預曰於邗也今廣陵韓江是晉廣陵縣屬徐州廣陵郡今揚州府江都縣治韓江亦曰邗溟溝漢志曰渠水水經注曰中瀆水皆是也宋口一作末口在縣北五里程氏大昌曰邗溝南起江而北通射陽湖以抵末口是也古者邗溝未通必由江入海自海達淮所以志貢道也不言入河蒙徐州言之由泗達荷由荷達濟可知也

荆及衡陽惟荊州

鄭氏曰荊州界自荆山南至衡山之南傳曰北據荆山南及衡山之陽孔氏曰北至荆山之北故言據南及衡山之陽以衡之南無復有名山大川可以爲託故言陽見其境過山南也棟案地理志禹貢南條荆山在南郡

臨沮縣東北衡山在長沙國湘南縣東南漢臨沮今湖北荆門州當陽縣西北與襄陽府南漳縣接界荆山在南漳西少北八十里湘南今衡州府衡山縣治衡山在縣西北三十里並詳導山又案荊州界今湖北武昌漢陽安陸荊州宣昌施南六府荊門州及襄陽府南漳縣德安府安陸雲夢應城應山四縣隨州南境黃州府黃岡麻城黃安三縣西南則四川重慶敘州夔州三府瀘州江南諸州縣貴州貴陽銅仁遵義思南黎平都勻等府平越州其南則湖南全省及廣西桂林府全州訖興

禹貢古今注通釋

卷一

三

古村秋館

安縣嶺北之地皆是也

江漢朝宗于海

鄭氏曰江水漢水其流過疾又合爲一其赴海也猶諸侯扞心尊天子而朝事之荆楚之域國有道則後服國無道則先疆故記其水之義以著人臣之禮傳曰二水經此州而入海有似于朝百川以海爲宗宗尊也孔氏曰老子云江海所以能爲百谷王者以其下之是百川以海爲宗詩沔彼流水朝宗于海是假人事言水積案漢水合陝西漢中興安商州河南南陽湖北鄖陽襄陽

安陸德安漢陽入府一州之水經漢陽府城北大別山麓東會南來之大江當江口有巨洲曰漢口卽古夏口爲江漢朝宗之處南岸卽武昌也王氏惟曰此僅六字耳而江漢趨海之勢如在目前嘗於武昌夏口望之見其渺瀰奔瀉如人之有所往而意專行速不遑他顧狀以朝宗傳水之神也

九江孔殷

鄭氏曰殷猶多也九江從山谿所出其孔眾多言治之難也地理志九江在今廬江尋陽縣南皆東合爲大江

禹貢古今注通釋

卷一

書 古岸秋館

傳曰江於此州界分爲九道甚得地勢之中孔氏曰孔鄭別解應劭注地理志云江自潯陽分爲九道符於孔說陸氏釋文九江潯陽地記云一曰烏白江二曰蚌江三曰烏江四曰嘉靡江五曰畎江六曰源江七曰廩江八曰提江九曰籊江張頌元緣江圖云一曰三里江二曰五洲江三曰嘉靡江四曰烏土江五曰白蚌江六曰白烏江七曰籊江八曰沙提江九曰廩江參差隨水長短或百里或五十里始于鄂陵終於江口會于桑落洲說與鄭合言其孔眾多也漢唐諸儒皆以九江屬尋陽

至宋始以洞庭當之槓案尋陽在今湖北黃州府黃梅縣北屬揚州九江紀於荊州不得移之揚也則以宋儒之說爲是晁氏曰洞庭九江也曾氏曰沅漸元辰敘西湘資澧水皆合洞庭中東入于江是爲九江導江云過九江至於東陵今之巴陵巴陵之上卽洞庭也因九水所合遂名九江朱子九江辨曰經文言九江孔殷正以見其吐吞壯盛浩無津涯之勢決非尋常分派小江之可比又繼此而後及夫沱潛雲夢則又見其決非今日江州甚遠之下流也考水經九江在長沙下雋縣西北

注引山海經云洞庭之山帝之二女居之是常游於江湖澧沅之風交瀟湘之浦是在九江之間出入必以飄風暴雨漢下雋縣今岳州府巴陵臨湘三縣地洞庭湖在府治巴陵縣西南府城西門卽岳陽樓正對湖中之君山君山一名湘山卽山海經洞庭山也巴陵舊志云洞庭湖周廻三百六十里南連青草西吞赤沙橫亘七八百里每歲六七月間岷峨雪消水暴漲自荆江逆入洞庭清流爲之改色則與孔殷之旨相合也又案彥和所指九水並詳地理志武陵零陵二郡屬荊州以今澠

理攷之沅出貴州鎮遠府黃平州南金鳳山曰鎮陽江
其主流出平越州西北曰猪梁江出都勻府西南曰馬
尾河三水既合曰清水江東流入黎平府生苗界又東
南折東北至湖南黔陽縣與鎮陽江合又東北注洞庭
湖入江漸出湖南常德府武陵縣元當作無以元與无
近而誤今作無出辰州府沅陵縣辰出貴州銅仁府敘
出湖南靖州西出四川酉陽州皆入沅湘出廣西桂林
府興安縣南海陽山兩源合北流曰海陽江又東北曰
湘江又東南折東北會瀟水於零陵縣北水始盛大曰
瀟湘又東北會烝水於衡州府城東曰烝口又東北會
資水於益陽縣曰喬口又東北至磊石洲注洞庭湖入
江資出湖南寶慶府武岡州東北入湘其支流皆自入
湖澧水源有二南源出湖南永順府桑植縣境曰陵江
河北源出湖北施南府宣恩縣東北山曰九谿河東南
流至慈利縣西北與陵江河合又東北注洞庭湖入江
朱子考定九江去無澧二水易以瀟烝瀟出永州府靈
遠縣南九疑山烝出衡州府衡陽縣西南大雲山其近
者出寶慶府邵陽縣皆注湘水然則九江之爲洞庭無

疑也老友陶以言敦辨常游湖湘間言洞庭吐納羣川

為九江所匯一如舊說又言九江入湖者實有三江沅

江湘江澧江也故湘水右岸巴邱山有巴陵故城對三

江口當是九江總匯處因漸無敘辰酉資六水皆合沅

湘故言三江元和郡縣志以岷江配澧江湘江非是朱

子考定九江去澧水亦非也以言同縣人博極羣書尤

長於地理足跡所至輒能引古書攷證惜今已歿不能

待余書成一為校勘也

沱潛既道

禹貢古今注通釋

卷一

姜 古泉秋館

并潛史記作沔漢書作灑鄭氏曰爾雅釋水云水自江出

為沱漢別為潛今南郡枝江縣有沱水其尾入江耳首

末于江出也華容有夏水首出江尾入沔蓋此所謂沱

也潛則未聞象類槓案南郡今湖北荊州府江陵縣治

枝江今荊州府枝江縣東縣東北有百里洲江自此洲

首派別北為內江即禹貢沱水見寰宇記地理志云南

郡枝江縣江沱出西東入江水經注云江水自夷道縣

北又東逕上明城北江沱枝分東入大江縣治洲上故

以枝江為稱皆指此水鄭意不爾者以此水不自江出

與爾雅不合然此沱爲江洲所隔而成安見不于江出
耶華容夏水自今荊州江陵縣東南首受江水曰中夏
曰經監利縣西北入漢水監利卽漢華容縣地此水沱
水所分故曰夏水不得冒之爲沱也馬融又以沱爲湖
更謬爾雅明言江別爲沱說文與江連屬亦曰江別安
得有湖義潛出今安陸府鍾祥潛江二縣境蔣氏曰潛
水出蘆濮腦分流遶潛江縣城東南一通順河今淤一
南流入漢水說者謂卽禹貢之潛然潛水漢時已不可
考今漢東津渠交通安見此卽爲古潛水耶又考荆梁

禹貢古今注通釋

卷二

垂 古疇秋館

各有沱潛其流各別傳云地勢西高東下於梁州合流
還於荊州合出非是林氏曰據爾雅是凡水之出於江
漢者皆有此名出於荆者荆之沱潛也出於梁者梁之
沱潛也別詳梁州
雲土夢作又

傳曰雲夢之澤在江南其中有平土邱水去可爲東作
畎畝之治槓案雲夢澤名江北爲雲江南爲夢傳專屬
江南非也左氏定四年傳云吳伐楚入郢楚子涉睢渡
江入于雲中郢在江南楚子自郢濟江而北入雲中則

雲在江北明矣然杜預注則云入雲夢澤中所謂江南之夢是雲亦可言夢也昭三年傳云鄭伯如楚王以困於江南之夢則夢在江南明矣然杜注則云夢澤名江夏安陸縣東南有雲夢城是夢亦可言雲也蓋雲夢二澤分言之曰雲曰夢合言之曰雲夢耳周禮職方氏荊州其澤藪曰雲楚鄭氏注云在華容地理志雲夢澤在南郡華容縣南荊州藪漢華容縣今荊州府石首監利二縣地水經注引杜預曰枝江安陸有雲夢晉枝江縣今荊州府枝江縣東安陸縣今德安府安陸雲夢應城三縣地石首枝江在江南監利安陸雲夢應城皆在江北則雲夢跨江南北橫亘八九百里勢遠地廣隨處存名舊本尙書土在夢下孔傳說並何宋太宗得古本改作雲土夢見沈括筆談化工之筆不可思議也阮氏曰疏云經之土字在二字之間開成石經亦作雲土夢則古本卽唐世通行本耳又案元和志巴陵縣巴邱湖又名青草湖在縣南七十九里周回二百六十里俗云古雲夢澤也愚謂此湖在洞庭南與九江相屬非雲夢然禹時洪水橫流揚州三江與震澤莽爲一壑此州九江

與雲夢當亦然書三江既入而震澤底定書九江孔殷
沱潛既道而雲土夢作又正見蛛絲篆迹之妙此聖經
書法也
厥土惟塗泥厥田惟下中厥賦上下
傳曰田第八賦第三人功修
厥貢羽毛齒革惟金三品

傳曰土所出與揚州同孔氏曰揚州先齒革此州先羽
毛者蓋以善者爲先由此言之諸州貢物多種其次第
皆以當州貴者爲先也林氏曰揚先金三品而此先羽
毛齒革揚先齒革而此先羽毛孔氏以善者爲先薛氏
以多者爲先二說皆通江氏曰國語晉公子謂楚成王

禹貢古今注通釋

卷一

毛 古春秋館

曰羽毛齒革則君地生焉楚故荆也
柁榦栝栝
柁陸氏釋文字又作樛榦本又作幹鄭氏曰柁榦栝栝
四木名榦栝榦栝柏葉松身曰栝馬氏曰栝白栝也孔氏
曰榦爲弓榦攷工記云弓人取榦之道七以栝爲上知
此是栝榦也釋水云栝栝栝松身陸璣毛詩義疏云柁
樛栝漆相似一則柁似樛漆也栝案栝櫨古音通爾

柁

雅云檜栢葉松身孔疏所引當卽此也爾雅又云栢拘
舊注不引者以人所知畧之也

礪砥砮丹

鄭氏曰礪磨刀刃石也精者曰砥王氏曰丹可以爲采
傳曰砥細於礪皆磨石也砮石中矢鏃丹朱類槓案司
馬相如子虛賦云雲夢之石曰璊玃元厲張揖曰元厲
黑石可用磨也是礪砥出於荆也砮如肅慎貢石砮之
砮今貴州思南石阡遵義等府有之丹丹砂出今湖南
辰州府者良謂之辰砂通典云辰州貢光明砂是也地
皆屬荆則此州貢此四物亦宜矣

高賈曰今注通釋

卷一一

卒 古聲秋館

惟籥箛楛三邦底貢厥名

籥說文作箛楛作枯鄭氏曰籥箛聆風也楛木類周之
始肅慎氏貢楛矢石砮此州生聆風與楛者眾多三國
致之馬氏曰言籥箛楛三國所致貢其名善也楛木名
可以爲箭傳曰籥箛美竹楛中矢榦三物皆出雲夢之
澤近澤三國常致貢之槓案鄭以厥名屬下包匭與馬
融孔傳異茲不從者厥名屬下云厥名菁茅可也中隔
包匭二字不成辭或又以名爲別列條目而貢之云柁

榦及楛十物非朝廷所常用故必使之貢則勞民不使之貢則有用而或闕故惟使貢其名此說非也如云十物皆貢其名則揚州惟木與杔榦栝栢同何以揚州不貢其名而獨使荊州貢其名也名當爲美稱從馬爲得蓋五邦底貢厥名獨承惟箇籛楛句箇籛楛皆箭材必善乃有用故使近澤三國擇其善者貢之也

包匭菁茅

鄭氏曰匭猶纏結也菁茅茅之有毛刺者給宗廟縮酒重之故既包裹而又纏結也傳曰包橘柚匭匣也菁以

禹貢古今注通釋

卷一

空 古詩秋館

爲苴茅以縮酒楨案偽傳截包爲句誤同王肅肅云包揚州厥包橘柚從省而可知也傳又以菁爲菹更誤左氏傳曰包茅不入管子曰江淮之間一茆三脊名曰菁茅不得分菁茅爲二物也鄭氏以匭爲纏結孔傳訓爲匣則從傳爲是蓋包在內匭在外所以謹之也王氏曰包匭菁茅者包且匭也以供祭祀故嚴之

厥篚元纁璣組

馬氏曰組文也傳曰此州染元纁色善故貢之璣珠類生於水組綬類孔氏曰釋器云三染謂之纁李巡曰三

染其色已成爲絳纁絳二名也說文云璣珠不圓者故爲珠類玉藻說佩玉所懸者皆云組綬是組綬相類之物也吳氏曰元染纁六入者七人則爲緇深黑矣纁染絳三入者四人則爲朱深赤矣璣組以璣穿結爲組也槱案珠爲貢物淮夷蠙珠是也穿結爲組者乃入筐傳以璣組爲二物於義未當從吳氏說庶於厥筐之文無弊也

九江納錫大龜

納錫史記作入錫馬氏曰納入也傳曰尺二寸曰大龜

禹貢古今注通釋

卷二

奎 古杵秋節

出於九江水中龜不常用錫命而納之槱案大龜元龜也詩云元龜象齒毛傳曰元龜尺二寸元卽大也白虎通引禮三正云天子龜長一尺二寸則大龜不易得有則納之納錫者下錫上也宋蘇氏薛氏皆主是說林氏亦以傳說爲非云錫者與師錫帝禹錫元圭同義重其事也蓋龜爲神物不在常貢之列異其文曰納錫所以寶大龜也

浮于江沱潛漢逾于洛至于南河

潛史記作洿漢上有于字傳曰逾越也河在冀州南東

流故越洛而至南河孔氏曰浮此四水乃得至洛本或
潛下有于誤耳陸氏釋文曰本或作潛于漢非是楨案
此州貢道或由江沱或由潛以達漢江沱潛不必盡由
漢在江北則其必由者也故曰浮于江沱潛于漢正見
書法之妙史公所見當是古本後儒不解句讀以潛于
漢爲句故轉以舊本爲誤也逾于洛者漢與洛不相通
必舍舟陸運而後入洛也逾洛之道或云出汝葉或云
自漢入丹河白水河卽逾山路永洛胡氏曰陸行出汝
葉則必經天息女凡嵩少輾轉諸山中崎嶇二三百里
貢道必不出此丹河卽丹水白水河蓋謂清水清水出
盧氏縣泝此水亦可逾洛然滄洛之間陸運百五十里
殊費民力惟丹水爲自楚入秦之捷徑水多陸少逾洛
從此無疑也

禹貢古今注通釋卷三

郡金匱侯植子勤氏纂

從姪孫侯學愈
外孫吳豫祖

校刊

荆州惟豫州入也 鄭氏曰豫州界自荆山而北至于河傳曰西南至荆山

北距河水曾氏曰臨沮之荆山其陰爲豫州其陽爲荆

州胡氏曰荆由主南言傳不當兼西亦猶青之岱主南

傳言不當兼西也 棫案豫州界今河南開封歸德河南南

陽汝寧陳州六府許汝陝三州及光州之息縣直隸大

名府東明長垣二縣山東曹州府單城武曹定陶四縣

禹貢古今注通釋 卷三

畜 古昇秋節

安徽潁州府湖北襄陽府及德安府隨州之北境鄖陽

府鄖保康四縣及鄖西縣之東境皆是也

伊洛瀍澗既入于河

傳曰伊出陸渾山洛出上洛山澗出澠池山瀍出河南

北山四水合流而入河孔氏曰地理志伊水出宏農廬

氏縣東熊耳山東北入洛洛水出宏農上洛縣冢領山

東北至鞏入河瀍水出河南穀城縣潛亭北東南入洛

澗水出宏農新安縣東南入洛伊瀍澗三水入洛合流

而入河言其不復爲害也 棫案傳言四水所出與志異

孔疏知其誤而又強爲之說云熊耳山在陸渾縣西冢
領山在上洛縣境之內澠池在新安縣西穀城潛亭北
此卽是河南境內之北山也牽引傳會非是漢陸渾盧
氏本二縣陸渾今河南府嵩縣東北五十里盧氏今陝
州盧氏縣治熊耳山在盧氏縣西南五十里山水二經
皆曰蔓渠山淮南子曰上魏山酈道元曰卽麓大同林
巒互別實一山也括地志云伊水出盧氏縣東巒山一
名闕頓嶺今在縣東南百六十里與杏花山相連蓋卽
熊耳之支峯也熊耳山盤基甚廣盧氏之熊耳卽上洛
之熊耳冢領亦熊耳之支峯惟與陸渾不相接以熊耳
爲在陸渾誤矣新安澠池亦本二縣新安今河南府澠
池縣東澠池今河南府澠池縣治澗水出新安穀水出
澠池水經注云澗水出新安縣南白石山東北流歷函
谷東入特阪與穀水亂流南入于洛穀水出宏農澠池
縣南璠冢林穀陽谷東北歷鼂池川又東逕函谷關南
東北皂澗水注之又東北逕關城東又東澗水注之自
下通謂之澗水然則澗穀下流雖同上源各別傳云澗
出澠池山是以穀源爲澗源也河南穀城亦本二縣穀

城在今穀陽縣西北自故縣又西北三十二里有穀城
山澗水所出魏始省穀城入河南縣晉因之傳云澗出
河南北山豈漢時穀城山已屬河南縣乎如以河南爲
郡名則傳所舉陸渾上洛澗池皆縣名不應此獨爲郡
也孔安國爲武帝博士地理宜深考不容疏畧若是其
爲魏晉人譌誤無疑也又案澗池西漢作黿池屬宏農
郡東漢屬司隸宏農郡唐作澗池屬河南道元改作沔
池屬南京路今河南府澗池縣治重棐宋本尚書注疏
陸德明經典釋文俱作沔池誤明李元陽閩本毛晉汲
古閣本國朝彭元瑞石經考文提要山井鼎七經子
子攷文盧文弨羣書拾補阮元尚書注疏校勘記俱未
改正非也茲從德清胡氏所改又攷歷代史書及李兆
洛地理韻編沔池乃元縣漢唐諸儒不得預知元王天
與撰尚書纂傳注語略有刊落疏則僅載十之一二其
中有臆改處不足盡憑見校勘記則濶出澗池山傳當
作黿疏作澗今通作沔當是天與所改而後儒仍其誤
也

波史記作播說文作潘鄭氏曰沅水溢出河爲澤也今塞爲平地滎陽民猶謂其處爲滎播在其縣東春秋魯閔公二年衛侯及狄人戰於滎澤卽此地也馬氏曰滎播澤名孔氏曰馬鄭王本皆作滎播謂此澤名滎播楨案作播是也漢書地理志云沅水出河東垣縣王屋山東南至武德入河洑出滎陽北地中卽滎播也滎陽屬河南郡今開封府滎澤縣西南十七里澤在縣南左氏宣十二年傳云楚潘黨逐晉魏錡及滎澤卽此也地在河南鄭引衛狄戰處則在河北以爲入河溢出之滎誤矣孔傳云滎澤波水已成遏豬改字作波更誤然猶曰滎澤之波也至顏師古林之奇則直以爲二水滎傳本之據職方其川滎雜其浸波差以駁孔氏遂以波爲洛南之水云鄭注職方誤以波爲播後人注禹貢轉以播爲波不兩失與

導荷澤被孟豬

孟豬史記作明都傳曰荷澤在胡陵孟豬澤云在荷東北水流溢覆被之孔氏曰地理志云荷澤在濟陰定陶縣東孟豬在梁國睢陽縣東北左傳爾雅作孟諸周禮

作望諸聲轉字異正是一地也槓案漢定陶縣在今曹州府定陶縣西北四里睢陽縣今歸德府商邱縣南二里此言導者治陶邱復出之濟菏澤孟豬二水相通則菏澤不應遠在胡陵今曹州府東三十里有荷山以近荷澤而名則菏澤在定陶東寰宇記云孟諸臺接虞城界俗呼涓臺蓋澤中有臺也則孟豬在商邱東北二澤相距僅百四十里本有相通之道闕駟十三州記曰不類言入而言被者期不常人也水盛乃覆被矣如以荷澤屬胡陵則在今魚臺縣與孟豬相距四百里安能覆被乎孔傳所言乃荷水非荷澤也詳徐州及導川

禹貢古今注通釋

卷二

奕 古序秋館

厥土惟壤下土墳壚

鄭氏曰墟疏也馬氏曰豫州地有三等下者墳壚也豫州地青傳曰高者壤下者墳壚也金氏曰其上者無塊而柔其下者或膏而起或剛而疏槓案說文壚黑剛土也劉熙釋名曰土黑曰盧盧然解散皆以壚爲黑色也馬云地青所未詳

厥田惟中上厥則紺上中

傳曰田第四賦第四又雜出第一

厥貢漆臬絺紵

臬史記作絲顏氏曰紵織紵爲布及練也槱案說文紵
縠屬細者爲絳粗者爲紵陸璣詩義疏云紵亦麻也科
生數十莖宿根在地中至春自生不歲種也荆揚之間
一歲三收今南越紵布皆用此麻是紵可爲布也練則
未聞

厥篚織纈

傳曰纈細綿槱案綿卽絮也史記本作絮說文纈絮也
春秋傳曰皆如挾纈或作統一切經音義引說文云纈

禹貢古今注通釋

卷二

奎 古杼秋節

綿也是綿與絮得通稱也織纈爲二物織縞也詳徐州
傳以纈爲細綿是訓織爲細矣纈只是綿無容強以粗
細別之

錫貢磬錯

傳曰治玉石曰錯治磬錯也槱案錯說文作厝云厲石
也詩曰他山之石可以爲厝今詩作錯字明錯厝同林
氏曰揚子雲云有刀者礪諸有玉者錯諸不礪不錯焉
攸用蓋作器者必賴此以爲用也荊州之礪砥所以治
刀此州之錯所以治玉磬磬錯與橘柚皆待上之命而

後貢又案此州錫貢與揚州同宗鄭者於揚州則曰貢錫力辨王肅之非於此州仍仿王意云錫命乃貢蓋豫州不聞產錫仍以錫貢爲貢錫則不詞故不覺自亂其例也

浮于洛達于河

林氏曰豫州去帝都甚近浮舟于洛以達于河達河則

達帝都矣王氏賜盛曰因上荊州之文也

華陽黑水惟梁州

鄭氏曰梁州界自華山之南至于黑水也傳曰東據華

禹貢古今注通釋 卷二 宇 古 杓 秋 節

山之南西距黑水孔氏曰周禮職方氏豫州其山鎮曰

華山在豫州界內此梁州之境東據華山之南不得其

山故言陽此山之西雍州境也曾氏曰華山之陰爲雍

州其陽爲梁州則梁州之北雍州之南以華爲畿而梁

實在雍州之南矣榘案華陽今陝西商州地在華山南

故曰華陽華山爲西岳在同州府華陰縣南八里地理

志京兆華陰縣南有太華山卽此也詳導山黑水異說

不一惟王氏後案合三黑水爲一說最善從之余有辨

詳見導川下又案梁州界今陝西漢中興安二府商州

甘肅階州及秦州徽兩當二縣湖北鄖陽府房竹山竹溪三縣及鄖西縣之西境四川成都保寧順慶龍安寧遠雅州綏定嘉定潼川十府眉邛資綿茂忠六州及敘州重慶夔州三府瀘州江北諸州縣其南則雲南全省及貴州西北境皆是也

岷嶓既藝

岷史記作汶鄭氏曰地理志岷山在蜀郡湔氐道嶓冢山在漢陽西傳曰岷山嶓冢皆山名水去已可種藝孔氏曰漢制縣有羌夷曰道地理志蜀郡有湔氐道岷山

禹貢古今注通釋

卷三

圭 古杼秋館

在西徼外江水所出隴西郡西縣嶓冢山西漢水所出是二者皆山名積案湔氐道今四川龍安府松潘廳西北岷山又在廳西北二百二十里山有大分水嶺卽古湔氐嶓嶺江源所出又鐵豹嶺在岷源西南二百餘里亦大江別源也又考地理志隴西郡西縣禹貢嶓冢山西漢所出今在秦州西南一百二十里東漢屬漢陽郡鄭據當代書故不曰隴西而曰漢陽也但漢有東西導川所敘皆東漢水嶓冢不應屬西縣班志以禹貢嶓冢爲西縣山非是鄭注承其誤又以西漢水爲潛豈禹貢嶓

冢不爲漢出而爲潛所出乎抑與導漾之山各異乎必不然也說詳導山瀛川二卷其曰旣藝者二山之下土地肥饒水去可播種所以志滌源之功也王氏卷曰江漢發源此州方江漢之源未滌水或汜濫二山下其地有荒而不治者今旣可種藝知二水之順流也

沱潛旣道

鄭氏曰二水亦謂自江漢出者地理志在今蜀郡郫縣汶江及漢中安陽皆有沱水潛水其尾入江漢耳首不于此出江原有郪江首出江南至犍爲武陽又入江豈

禹貢古今注通釋

卷二

三 古村秋館

沱之類與潛蓋西漢出嶓冢東南至巴郡江州入江行二千七百六十里漢別爲潛其穴本小水積成澤流與漢合大禹自廣漢疏通卽爲西漢水也孔氏曰郭璞爾雅音義云沱水自蜀郡都水縣湔山與江別而東流又云有水從漢中沔陽縣南流至梓潼漢壽入大穴中通峒山下西南潛出一名沔水舊俗云卽禹貢潛也楨案郫縣今四川成都府郫縣治郫江在西卽所謂沱江也史記云蜀守李冰穿二江成都中一流江一卽此班固郭璞皆以爲梁州之沱甚是或曰沱卽玉輪江然玉輪

江出岷山玉輪坂非首受江鄭因以江原鄴江當之江
原在今成都府崇慶州東十里江在州東十二里地理
志蜀郡江原鄴水首受江南至武陽入江然無沱名不
得謂之沱也安陽今陝西興安府漢陰縣治灩谷水出
西南北入漢此水出灩谷非漢別西漢卽嘉陵江東漢
有別出而伏流之潛從梓潼漢壽入西漢以達于江不
得冒西漢爲潛也沔陽今漢中府沔縣東南漢壽卽漢
葭萌縣蜀曰漢壽晉改曰晉壽太元中又分其地置興
安縣隋改綿谷縣唐因之明改廣元縣今四川保寧府
廣元縣治龍門山在縣東北八十二里有石穴潛水穿
穴而出括地志云潛水一名復水出綿谷縣東龍門山
大石穴下元和志云潛水出利州綿谷縣龍門山與郭
璞所言正同其爲梁州之潛無疑也蔡傳引地志水經
注以宕渠爲梁之潛水宕渠今四川綏定府渠縣東北
渠江在縣東雖名爲潛然源出巴嶺不出於漢說文云
灩水出巴郡宕渠西南入江亦不謂漢別胡氏曰巴嶺
在漢中府南鄭縣南百餘里綿亘深遠高聳千尋冬夏
積雪不消中包孤雲兩角米倉諸山賈耽曰興元之南

路通巴州中有孤雲米倉山行者三日始達于嶺王子
韶所謂孤雲兩角去天一握也山谿險阻禹必不以爲
貢道則梁州之潛爲龍門水非渠縣之渠江明矣

蔡蒙旅平

鄭氏曰地理志蔡蒙在漢嘉縣傳曰蔡蒙二山名孔氏
曰地理志云蒙山在蜀郡青衣縣應劭云順帝改曰漢
嘉縣蔡山不知所在檢案漢嘉今四川雅州府雅安縣
北宋改曰嚴道縣屬成都府路雅州鄭引地志云蔡蒙
在漢嘉今攷志有蒙山無蔡山是鄭以蔡蒙爲一山也

僞孔不言所在蓋殷周有雍無梁梁棄徼外周衰蜀不
通中國久不知蔡山所在故地志水經並闕宋棄夢得
始以嚴道縣周公山當之蔡傳本之遂爲定論胡氏雖
指又欲易以峨眉云蒙山之東惟峨眉最高大與之匹
旅平豈獨遺此皆臆說也當闕疑爲是傳又曰祭山曰
旅旅平言治功畢愚謂旅者非祭山之謂蜀道有羊腸
九折之坂極天下之至險今修治之使行旅無窒礙故
曰旅平經言九山刊旅卽槎木通道之義壺曰梁岐岷
嶓諸山兼收滌源之功故曰治曰藝蔡蒙諸山僻在邊

徼爲西南夷入貢所必由之地則槎木以通道而已且
岳瀆並見經未嘗言旅而獨以平成之功歸之一隅之
山而特告祭焉當不然也蓋禹平水土華夷一統蔡蒙
荆岐可通行旅而和夷原隰豬野皆底績焉而必執祭
山之說何哉

和夷底績

鄭氏曰和夷和土所居之夷也和讀曰桓水出蜀郡蜀
山西南行羌中者也傳曰和夷之地致功可藝孔氏曰
和夷平地之名積案和夷卽桓水之夷地理志蜀郡下

禹貢古今注通釋

卷二

十一
堊 古行秋信

云禹貢桓水出蜀山西南行羌中入南海水經注云晉
地記曰梁州南至桓水西抵黑水東限扞關自桓水以
南爲夷書所謂和夷底績也今考桓水卽大渡河源出
四川灌縣西南大邑邛州西北諸山數水合西南流經
大小金川合打箭鑪瀘河又合越嶲河青衣江經雅州
合周公蒙山二水至嘉定入岷江打箭鑪爲西藏貢道
皆古西南夷地也經言底績者禹旣通桓夷之道又治
桓水使夷地平治皆可種藝也

厥土青黎

王氏曰青黑色黎小疏也傳曰色青黑而沃壤植案黎
史記作驪則訓爲黑色者是王肅又木馬融以爲小疏
非也

厥田惟下上厥賦下中三錯漢書地理志云金也鄭氏曰三錯者此州之地有當出下下之賦者少耳又
有當出下上中上者差復益少傳曰田第七賦第八雜
出第七第九三等孔氏曰傳以旣云下中復云三錯舉
下中第八爲正上下取一故雜出第七第九與第八爲

三

禹貢古今注通釋

卷二

美 古序秋節

厥貢璆鐵銀鏤柶磬

璆當作鏐鄭氏曰黃金之美者謂之鏐鏐剛鐵可以刻
鏤也傳曰璆玉名鏐剛鐵孔氏曰璆琳美玉也郭璞云
璆琳美玉之別名鏐者可以刻鏤故曰剛鐵植案陸氏
釋文云璆韋昭郭璞云紫磨金又引爾雅注爲證是鄭
與韋郭皆以鏐爲金左思蜀都賦云金沙銀礫暉麗的
皦後漢書云益州金銀之所出是金固梁產也則破璆
爲璆從鄭爲得鐵黑金銀白金孔鄭不釋者人所知也
曾氏曰蜀郡卓氏至以鐵冶富擬邦君則梁州之利尤

在鐵故鐵先於銀也鄒氏曰漢志犍爲郡朱提縣山出銀犍爲正梁州之境其銀獨美於他州故以爲貢朱提今四川敘州府宜賓縣西南砮石砮華陽國志臺登縣山有砮石禹貢所賦是也臺登今四川寧遠府冕寧縣東砮石砮金氏曰漢於犍爲山濱得古砮十六枚蓋其土人所琢也此州貢物凡六鏐鐵銀鏤皆金砮砮皆石鄭義較長也

熊羆狐狸織皮西傾因桓是來
鄭氏曰織皮謂西戎之國也西傾雍州之山也雍戎二
禹貢古今注通釋 卷二 圭 古扃秋節

楚之間人有事于京師者道當由此道而來桓是隴阪
謂名其道盤桓旋曲而上故名曰桓是今其下民謂是阪
曲爲盤也馬氏曰因桓水是來言無餘道也傳曰織皮
今屬西傾山名桓水自西傾南行因桓水是來顏氏曰
言貢四獸之皮又貢雜屬蘇氏曰以屬者曰織以裘者
曰皮曾氏曰地多山林獸之所走熊羆狐狸之皮制之
可以爲裘其毳毛可以織之爲屬植案馬以下諸說順
經立義確不可易鄭氏以織皮爲西戎國名又訓是爲
氏本揚雄響若氏隕以桓是爲隴阪名宗鄭者曲爲之

說文離舛錯不可通曉今考桓水一名白水江亦曰壘江源出洮州邊外西南三百四十里洮源東南巖臺山亦曰西疆山番言羅插普巘山近黃河折向西北之東岸山綿亘千餘里卽古西傾也桓水源曰裴雜塔拉泉十數泓湧成二渠東南流折而西又折而東曰香出必拉入陝西邊界又東又東南曲曲流至四川保寧府昭化縣城北入西漢水則西傾因桓水是來水道沿厯可溯不必改字以從鄭也

浮于潛逾于沔入于渭亂于河

禹貢古今注通釋

卷二

庚 古岸秋節

鄭氏曰或謂漢爲沔傳曰漢上曰沔越沔而北入渭浮東渡河正絕流曰亂孔氏曰下傳云泉始出山爲漾水東南流爲沔水至漢中東行爲漢水是漢上曰沔也計沔在渭南五百餘里故越沔東行而北入渭渭水入河故浮渭而東正絕流曰亂釋水文孫炎曰橫渡也楨案沔水一名沮水出漢中府畧陽縣東狼谷東南流至沮口與漾水合漾于是兼有沔稱由沔達渭中隔褒斜不言逾于渭者舉沔以該渭也傳氏寅曰浮潛至漢上去沔爲近故舍舟陸行以入沔而沔之相通者有褒自褒

逾斜北達渭言入不言達者之褒斜以間絕水百餘里
上文旣言逾沔亦所以該下而省文也沔褒旣是水道
言沔不言褒可也斜渭旣是水道言渭不言斜可也如
必欲言沔渭之間有褒斜絕水不通則當曰逾于沔逾
于渭古人之文豈如是之不簡直哉渭詳導川

黑水西河惟雍州

鄭氏曰雍州界自黑水而東至于西河也傳曰西距黑

水東據河龍門之河在冀州西孔氏曰河在雍州之東
而謂之西河者以冀州西界故王制云自東河至于西

禹貢古今注通釋

卷二

羌

古程秋館

河千里而近是河相對而爲東西也楨案雍州輿地最
廣南至西傾積石西踰三危北抵沙漠東與冀州接界
曠遠遼濶不爲紀極黑水發源此州流入南海詳導川
黑又案雍州界今甘肅蘭州平涼鞏昌慶陽寧夏西寧涼
州甘州鎮西九府涇肅迪化安西四州及秦州秦安清
水禮三縣陝西西安同府鳳翔延安榆林五府乾邠鄜
綏德四州其南爲和碩特前頭旗土爾扈特南前旗西
踰瀚海北抵大磧東北至鄂爾多斯右翼後旗黃河西
岸西南至吐魯番皆是也

弱水既西

弱說文作溺音同引桑欽說溺水自張掖刪丹西至酒

泉合黎餘波入于流沙鄭氏曰眾水皆東此水獨西故
記其西下也傳曰導之西流至于於黎程氏曰弱水初
必壅遏而東導之既西則逆者順矣槓案弱水卽山丹
水源出甘州府山丹縣西南窮石山東北流又折西北
至府城西張掖河自西南來會卽古羗谷水一名黑河
又西北至衛公營肅州二水來會又東北又折西北有
是都倫水來會又北匯爲二巨澤曰索廓克鄂模曰索
博鄂模卽居延海古文爲以流沙蔡傳引柳宗元說云
西海之山有水故渙無力不能負芥此本漢書西域傳
條支國臨西海善眩安息長老傳聞條支有弱水西王
母師古引元中記云昆侖之弱水鴻毛不能起蓋西海
別有弱水以禹貢之弱水當之誤矣

涇屬渭汭

鄭氏曰涇水渭水發源皆幾二千里然而涇小渭大屬
于渭而入于河地理志涇水出安定涇陽西開頭山東
南至京兆陽陵行千六百里入渭汭之言內也傳曰屬

逮也水北曰洧言治涇水入于渭孔氏曰屬謂相連屬故訓爲逮毛詩傳云洧水涯也鄭云洧之言內也蓋以人皆南面望水則北爲洧也槓案安定郡今甘肅平涼府固原州治涇陽今涇州鎮原縣東六十里筭頭山在平涼府瓦亭驛西北涇水出其東南麓兩源並發東南流經華亭崇信涇州長武邠州永壽涇化醴泉涇陽至高陵入渭渭洧在華陰縣北說文洧水相入也左傳杜注云水之隈曲曰洧胡氏曰兩水相入其水會襟帶處必有隈曲是也詳諸經說洧皆不作水名左氏一書曰

漢洧曰渭洧曰滑洧曰雒洧曰夏洧曰羅洧曰豫章之洧曰沙洧曰淮洧曰桐洧皆杜預所謂水之隈曲惟職方涇洧之洧爲水名易氏解曰洧非禹貢之洧此川名今考洧水出平涼府華亭縣西隴山之東麓東南流折東北流經華亭崇信二縣又東流北折入涇是洧屬涇非涇屬洧且漆沮澧水皆主謂言之使洧爲水名則以小屬大當云涇洧屬渭今經文不然禹貢之洧爲水則無疑矣蔡氏以涇渭洧爲三水名然洧入涇不入渭去河甚遠下文會于渭洧又河說耶

漆沮既從

傳曰漆沮之水已從入渭孔氏曰地理志云漆水出扶風漆縣西關駟十三州志云漆水出漆縣西北岐山東入渭沮則不知所出蓋東入渭時已與漆合渭發源遠以渭爲主楨案漆沮卽洛水源出慶陽府安化縣北境三百餘里之白於山東南流至朝邑縣西又南經趙渡鎮至華陰縣西北合渭水所謂既從也孔疏以漆沮爲二水今攷漆水出宜君縣南大神山沮水出耀州西北境分水嶺合涇化清峪二河始入渭與既從之旨不合

禹貢古今注通釋

卷二

三 古畧秋節

又案詩自土沮漆鄭箋云公劉遷豳居沮漆之地豳譜云豳者公劉自郤而出所徙戎狄之地今屬右扶風在禹貢雍州岐山之北孔氏導渭疏從傳以爲與彼別則禹貢漆沮非詩之沮漆不應此獨爲異如謂雍州有二漆沮扶風馮翊所指各異書法不若是舛也孔傳於灑沮澼淄淮沂皆曰二水於此但云漆沮之水明此節與導渭同耳

灑水攸同

傳曰灑水所同同之于渭孔氏曰地理志灑水出扶風

鄠縣東北過上林苑入渭楨案鄠縣今陝西西安府鄠縣北澧水出鄠縣東南牛首山北流合澇瀉諸水至咸陽縣東入渭詩曰豐水東注維禹之績言同于渭也荆岐既旅終南惇物至于鳥鼠

傳曰已旅祭言治功畢此荆在岐東非荊州之荆終南惇物鳥鼠三山名孔氏曰治水從下自東而西先荆後岐荆在岐東也地理志云禹貢北條荆山在馮翊懷德縣南三山空舉山名不言治意蒙上既旅也地理志云扶風武功縣有太一山古文以爲終南垂山古文以爲

惇物皆在縣東楨案水經禹貢澤地所在荆山在馮翊懷德南今在陝西西安府富平縣懷德故城在縣西南十里終南亦名中南見毛詩傳引左傳司馬侯曰中南九州之險是也其山西自郿縣東至西安皆其支阜橫亘八百里太一乃其主峰亦曰太白水涇注云太一山亦曰太白山在武功縣南去長安二百里唐六典云關內道名山曰太白是也武功今鳳翔府郿縣東四十里唐屬關內道今乾州武功縣西南惇物卽太一之北峯在武功縣東南故連言及之鳥鼠詳導山導川二卷

原隰底績至于豬野

鄭氏曰詩云度其隰原卽此原隰是也原隰幽地從此
致功西至豬埜之澤也地理志都野在武威名曰休屠
澤傳曰下溼曰隰豬野地名言皆致功孔氏曰地理志
云武威縣東北有休屠澤古文以爲豬埜澤槓案武威
郡今甘肅涼州府武威縣治武威縣在鎮蕃縣北涼州
卽古始臧鎮蕃水卽休屠澤源出涼州南境重山中兩
源合東北流經張儀堡至長城東循城而北經大磧又
東北經鎮蕃縣東南又東北當西長城斷處去發源六
百餘里匯爲一大池卽古豬野澤也

禹貢古今注通釋

卷二

畜 古杼秋節

三危旣宅三苗不敘

鄭氏曰河圖及地記書云三危之山在鳥鼠之西南當
岷山則在積石之西南傳曰西裔之山已可居三苗之
族大有次敘孔氏曰舜典竄三苗于三危是三危爲西
裔未知山之所在地理志杜林以爲敦煌郡卽古瓜州
昭九年傳云允姓之姦居于瓜州杜預云允姓之祖與
三苗俱放於三危瓜州今敦煌也禹治水未畢已竄三
苗水災旣除彼得安定故大有次敘槓案敦煌今甘肅

安西州敦煌縣治詳鄭說三危當在州西南今無攷敦
煌爲古瓜州今哈密瓜獨美蓋出哈密廳與敦煌相近
也呂氏曰三苗不道竄于三危自後世觀之凡以罪流
放者聽其自殘自在在所不恤聖人之心不如此故禹
治水至三危亦爲畫其居宅蓋王者仁心所者亦所以
示大一統無外之意也

厥土惟黃壤

林氏曰天下之物得其常性者最貴土性本黃此州黃
壤故其田非餘州所及

禹貢古今注通釋

卷二一

登 古 稔 秋 館

厥田惟上上厥賦中下

二傳曰田第一賦第六人功少孔氏曰此與荊州賦田升
颶降皆較六等荊州升之極故曰人功修此州降之極故
曰人功少其餘相較少者從此可知也

厥貢惟球琳琅玕

鄭氏曰球美玉也琳美石也琅玕珠也傳曰球琳皆玉
名琅玕石而似玉孔氏曰釋地云西北之美者有崑崙
虛之瑤琳琅玕焉說者皆云球琳美玉名琅玕石而以
珠者棟案說文球玉磬也球中磬材自是美玉鄭氏顧

命注云天球雍州所貢之玉未見琢治者是也說文又云琳美玉也則球琳皆玉名琅玕今所謂寶石也山海經云崑崙山有琅玕樹其質圓故云似珠說文同鄭注並引此經以證胡氏曰傳云石而似玉或云似珠玉言其質珠言其形也

浮于積石至于龍門西河會于渭汭

傳曰積石山在金城西南河所經也沿河順流而北千里而東千里而南龍門山在河東之西界逆流曰會自渭北涯逆水西上孔氏曰地理志云積石山在金城河

禹貢古今注通釋

卷二

癸 古聲秋節

關縣西南羌中龍門山在馮翊夏陽縣北積案金城郡在今甘肅蘭州府皋蘭縣西北河關今蘭州府河州西此小積石非導河之積石也積石有二詳導川又攷漢書昭帝紀及地理志金城郡昭帝六年始置孔安國爲武帝博士卒於元鼎元封開前始元三十餘載不容知有金城故後人疑孔傳爲譌也林氏曰此州達于帝都有二道浮于積石至于龍門西河者一道也自渭汭以達于河者又一道也

織皮崑崙析支渠搜西戎卽敘

鄭氏曰衣皮之民居此三山之楚者皆西戎也昆侖謂別有昆侖之山非河所出者也傳曰織皮毛布有此四國在荒服之外流沙之內羌髳之屬皆就次敘楨案孔傳不同鄭義疏謂傳或分渠搜爲二或并西戎爲四皆非也考古書崑崙析支渠搜三國名未有分渠搜爲二國者西戎乃總名王肅云西域也不容別爲一國林氏曰三國皆西戎之種故以西戎總括於下周書王會云正西有昆崙九國孔鼂注云九者西戎之別名是崑崙爲西戎也漢志金城臨羌西有弱水崑崙祠馬融本此不以爲河源所出臨羌在今西甯府西甯縣西蔡傳亦云在臨羌又云卽河源所出誤矣析支馬融曰在河關西水經注云自析支以西濱于河首羌居其右河水東流屈而東北經於析支之地是爲河曲矣後漢書西羌傳西羌之本出自三苗姜姓之國也其國近南岳乃舜流凶凶徙之三危河關之西南羌地是也濱于賜支至于河首綿亘千里皆羌地賜支者禹貢所謂析支也渠搜亦西戎陸釋文引漢志朔方郡渠搜縣當之誤周書王會云拒搜以鬲犬孔注拒搜西戎之別名是三國皆

西戎也又案冀揚二州烏夷皆志貢道上此州織皮與
梁州同亦猶冀之皮服揚之卉服也書法不應獨異蘇
氏以爲有錯簡此節當在浮于積石之上也愚謂此節
書法自有深意非錯簡也漢書西域傳云孝武之世圖
制匈奴患其兼從西國廼表河西列四郡開玉門通西
域以斷匈奴右臂而幕南無王庭匈奴傳云往者圖西
域制車師置域郭都護三十六國費歲以大萬計者豈
爲康居烏孫能踰白龍堆而寇西邊哉廼以制匈奴也
雍之北道但使西人遶河而來則狄人不得南牧卽漢
武帝開拓西河五郡以斷匈奴右臂之意禹貢不言治
狄正深于治狄耳說參曹得忍爾成禹貢正義乃安攘
之全策漸被之極功也

207
2



中国书	定册	定价	卷
册数	2	2.00	乙
			3

✓-6
0280